

嘉興府志卷五十一

嘉興府知府 伊湯安 重輯

列傳二

嘉興縣

孝義

漢

張武吳郡由拳人父業郡門下掾送太守妻子還鄉里至河內亭盜夜劫之業與賊戰遂亡失屍骸武時年幼不及識父後至太學受業每節常持父遺劍至亡處祭醮泣而還太守第五倫嘉其行舉孝廉遭母喪過毀傷父

嘉興府志

卷五十一 列傳二

一

魂靈不返因哀慟絕命

後漢書本傳

陳

張種字士苗仕梁為宣城王府主簿家貧求為始豐令武陵王紀為益州刺史以種為征西東曹掾種辭母老坐免侯景之亂奉母東奔鄉里母卒種時年五十而毀瘠過甚又迫以凶荒未獲時葬服制雖畢居處飲食恒若在喪景平王僧辯以狀聞起為貞威將軍治中從事并為具葬禮葬訖方即吉陳武帝受禪為太府卿歷位侍中中書令金紫光祿大夫種沈深虛靜識量宏博時以為宰相之器僕射徐陵嘗抗表讓位以為宜居左執其

爲時所推如此太建初女爲始興王妃以居處僻陋特
賜宅一區又累賜無錫嘉興侯秩

南史本傳

唐

邱爲文學名世應進士科晚乃得第事繼母以孝聞官至
太子右庶子時年八十餘而母無恙給以俸祿之半及
居憂觀察使韓滉以致仕官給祿所以惠養老臣不可
以在喪爲異惟罷春秋羊酒初還鄉縣令謁之爲候門
磬折令坐乃拜里胥立庭下旣出乃敢坐經縣治降馬
而趨年九十六卒

至元志參趙圖記

五代

嘉興府志

卷五十一

列傳二

二

薛仁德吳中戎府右職侗儻好施過崇德堰見牽船人多
荷校會令佐來謁因問之對以路當衝要所逋秋稅甚
多堰役夫皆是物也仁德問實欠幾何令具籍呈之計
九千七百餘緡仁德出橐中金如數償之遂解纜去

劉志

宋

戴顯甫嘉祐癸卯進士選亳州永城尉與母舅杭州陶叔
獻同舉進士陶登第纔旬月卒于京師顯甫扶舅喪歸
葬迎養其家以終身

嘉興湯志

陳四四嘉定十一年剖心治親疾表其坊曰褒孝卽今聯

魁坊也

柳志

項相字汝弼宋寧宗時舉孝廉歷官翰林學士與弟棟汝用處於奉親兄弟友愛真西山爲作孝友堂記嘉興湯志

聞人做字彥則安易曾孫輕財好施行閭里具知貧乏者輒囊金夜即貧者戶隙投入不使知其家得之以爲天

賜也中年未有子相者謂做頷後有黑子十一必有子後得子如黑子之數嘉興湯志

張仲淳秀州人居鄉教授好周人急務行陰德有商疾篤投仲淳問其姓名鄉里言訖而斃裝有十金仲淳具棺殮召其子護喪持金歸復捐資經紀其葬一夕夢死者來謝曰公今生貴子矣已而生子師中舉進士爲館職

嘉興府志

卷五十一

列傳二

三

終京西曹使尙書工部郎中兩浙名賢錄

聞人穎立字秀城宣和間爲江都簿有寓居何簿者謂穎立曰某之所生亦公之所生實異姓弟兄也疑未敢信穎立事嫡母朱氏孝一日朱語穎立曰汝所生視汝三歲而適人吾視汝如已子穎立感泣述何簿言朱令物色所生張氏張語穎立小字及髻鬣事皆歷歷朱遂令奉所生以歸秩滿何簿欲迎之官而張氏不願偕往遂依穎立以終先是穎立父沒未殯火作穎立仰天疾呼覆身於匱將與俱化火忽回燎後以子符貴贈朝議大夫

嘉興開國公嘉興湯志

陶菊隱逸其名德祐末元兵南下菊隱聞勤王詔散家財
招集義兵以拒元一境獲安授將仕郎謁文丞相于軍
宋亡流寓者多以爲依戒子孫勿仕元時同邑趙孟備
華亭殷澄稱秀州三義陶四世孫鉦正統七年歲祲出
穀二千餘石以賑鉦子澤景泰七年江淮饑捐粟五百
石助賑天順五年復運米七百斛至通州應詔助邊賜

七品散官

劉志參樵
李詩繫

元

潘應定博覽典籍母喪廬墓哀號無間有桂花變色白鶴

來翔之瑞左丞相周伯琦嘉其孝榜其墓曰雙頑

明一統志

嘉興府志

卷五十一

列傳二

四

威敬字秉肅秀之白苧里人母疾救勿效剗股肉以進時

母已不能啖而死敬勺水不入口者三日絕而復甦將

葬掘地尺餘泉水淫浸敬負土爲墳旣葬傍徨不忍去

或勸之返敬曰吾舍母何之乃結庵墓側三月生白芝

五本人以爲孝徵又欲像母事之告工以狀工未悉一

日工夢姥曰吾戚母也汝爲識之翌日工刻木惟肖敬

奉如生時張士誠陷吳將逼秀境里中皆遁敬曰吾忍

去父母墳墓耶乃散財集子弟保鄉里他所焚掠幾盡

敬所居白苧里完好如故公府將賞之謝曰吾爲墳墓

耳不願賞後部使者薦爲文學掾人以其孝不斥其名

直曰孝子云徐一夔成孝子記

吳森字君茂其先汝南人後徙居嘉興魏塘任管軍千戶家饒于貲悉推產以歸二兄鞠其弟妹逮有家室推是志也達之鄉鄰饑有米粟寒有纊繪病有藥餌死有棺槨舟梁道路修除惟時輟田四百畝闢書塾聚閭巷子弟延師儒以教之由是人知有學有司上其狀署其門

曰義士黃潛吳森墓誌

項冠字儀甫以富稱散財助婚喪蠲逋負江浙稱長者至元二十年境內饑輸粟數萬賑之全活無算元世祖聞而旌之授以將仕郎少府丞力辭隱胥山築胥山草堂

嘉興府志

卷五十一

列傳二

五

子衢授淮西廉訪副使嘉興湯志

戴光遠白牛鎮人鎮遠郡縣學校不立光遠辟地三十畝為殿于學舍四十餘楹聚生徒百五十輩延名儒黃玠主之自是鎮人始學趙圖記

顧德玉字潤之從寧國教授俞觀光游觀光無子嘗語人曰吾昔寢疾潤之侍湯藥情若父子醫為感動勿受謝今吾老必託之以死既而訪醫吳中病革趣舟歸德玉家進次尹山卒明日至構李德玉奉其屍斂於家衰絰就位邦人士為德玉來弔者德玉答拜葬於海鹽近顧氏之先塋歲時祭享惟謹駁耕錄

范國寶字谷保數世同居惇友義趙大敏薦諸朝累官安撫使家居設義倉建義塾著有最樂堂稿

嘉興何志

樂善字爲之岳忠武後時有所諱變姓樂爲江浙行中書省架閣庫管勾受知於平章政事徹里帖木耳因哭其

父嘔血卒

嘉興湯志

吳宣字泰然森子有俠氣兄弟析居並以義讓元季苗兵將屠邑境宣獨叩軍門乞貸辭義嚴正主帥壯之乃釋不屠著有道德經註子午流註通論等書

趙圖記

范重雯字松厦爲承事郎出守漳州總管張士誠寇湖州犯橋李時雯避地嘉興率鄉兵禦寇保障閭閻里人德

嘉興府志

卷五十一

列傳二

六

之今俞匯地方有范家橋白鶴橋皆其破賊處

嘉興何志

姚福二至正間傾家財輸築羅城妻鄔氏亦傾筐以佐急

公

吳志

明

殷近仁博學能文與其弟原善原誠友愛無間家貧親老協力以供甘旨洪武初以孝弟授山西平遙縣親喪葬祭盡禮服終以所著蒞政戒銘四十二篇獻于朝擢廣

西參政

明一統志

殷原善兄近仁沒於官其妻亦逝所遺三男一女原善撫之如已出提攜噢煦無不至鰥居不娶其友諷之原善

泣曰兒子猶吾子使吾娶而不賢諸孤將何託且娶為後耳諸孤在豈無為吾後者終不娶

沈繼宗殷原善傳參分省人物考

朱煦父季用洪武初以賢良薦累官福州知府值詔天下盡革積歲官吏為民害者季用逮赴京師輸作城役病不能堪時在役親屬告枉者戍三人刑四人煦曰吾不能脫父于此訴不訴等死萬一緣訴而免可無恨乃自縛闕下具告枉狀上悲其意赦季用復官同時得復官者十四人

嘉禾徵獻錄

張瑤字朝貢舉鄉薦性孝其妻以疾不悅於姑姑欲出之瑤心知無罪令歸依母氏終身不娶與兄同孝養內外

無間言屢上春官不第杜門隱居郡守徐盈高其誼時枉過咨論未嘗干以私卒無以斂徐為具禮葬之

趙圖記

李進字孟昭力學明五經工篆隸行草母喪哀毀眇一目不復求仕永樂初郡守齊政請為郡訓導不久謝歸著

有西園集

橋李詩繫

包珪包珏

通志作包江誤

兄弟也父愉洪武中詔求人才郡邑交

薦辭不受永樂詔取富戶實京師有司疏愉名以進時年七十九長子珪願代父行幼子珏號泣又請身代兄弟爭赴有司旌之

袁志

洪梁少孤事大母及母以孝聞子蒸進士知陳州迎養朝

夕規勵云寧失出毋失入願家爲好人仕爲好官有族弟貧爲之析產授室表弟趙某以註誤遣戍梁憐其老而無子代控得免勾補嘉興湯志

凌孝子失其名永樂中甫冠父以典稅被誣逮繫京師孝子號慟上書得釋水陸風雨備嘗艱苦竟以是殞人共

哀之懿行編

許章字廷冕與姚綬爲中表兄弟天順甲申與綬同舉進士綬拜廣東道御史章兵部主事奉命安插夷人乘傳歸築南圃草堂以娛母母喪哀毀致疾卒綬銘其墓章同年進士姚俊主刑部執法詳平僉事廣東平寇著績

嘉興府志

卷五十一

列傳二

八

亦以父喪過哀卒吳志參嘉興湯志

章傳普少孤事母孝母患心疾醫藥不能療傳普走普陀禱觀音大士每三步一稽顙匍匐造之母病傷寒危殆剖股肉以進皆得痊及卒哀毀過瘠刻木爲像終身事之如生趙圖記

許嘉謨字性初業銀氏母吳疾作嘉謨度不可救斷小指半和羹以進母啜而愈里人欲爲上狀嘉謨不可曰此舉也吾母未之間奈何以爲名耶子聯登亦剖股起父

病嘉興何志

岳商字成卿兄夏多子商讓田宅與之別治子舍奉母以

孝謹稱兄弟皆素封及兄卒凡役必肩其難且重者孫元聲和聲駿聲皆鼎貴咸謂孝友之報

嘉興湯志

褚元卿事親孝父病顛天請代及沒淚枯流血母喪哀痛

幾絕水漿不入口者七日廬墓三年屢奉旌獎

嘉興湯志

常繼瓚字宋河性孝親沒廬墓三年有友胡皓合門病疫

通門俱絕瓚獨往周旋湯藥里人錢三者密寄金於瓚

往燕身沒瓚召其家人還之著有端慎堂詩集

嘉興湯志

沈鏐字大威少穎敏通經傳父命受辟藩司嘗丞七家嶺

非其好也至官謹閤月得父書歎曰古稱愛日又云以

道養親老矣吾寧戀斗粟遂解官歸平生重然諾慎取

嘉興府志

卷五十一

列傳二

九

與與人交恂恂相愛鄉里稱長者子光華英華皆有聲

孫思孝自有傳

劉志

陸灼白馬鎮人性孝義好賑施建立宗祠出資佐讀歲祲

出布粟以賑不給者與商人程浙等捐資建萬程橋又

有吳朝陽品行醇潔夙敦孝友郡邑高其義皆爲之表

閻焉

嘉興湯志

王昇字廷旭正統壬戌歲饑昇出粟六百石發賑年九十

卒其族人彝字叔倫景泰乙亥歲饑出粟二千六百石

丙子饑又出粟三百石成化乙酉又出粟四百石丙戌

出粟五百斛皆賜冠帶又有金昇字彥昇正統辛酉歲

饑昇捐粟三千斛項忠爲作墓志二子盛茂景泰癸酉
饑茂捐米四百五十石乙亥又饑盛出粟一千八百石
俱賜旌其卒也忠亦銘其墓

鄒志參嘉禾徵獻錄

沈希冲字方壺鄰有貧無子者買妾贈之及年而其人亡

有遺腹子更撫以成立繇廩貢委進賢篆同官陳某繫

獄罄囊輸納贖其罪鄒元標爲之傳著有尙書印宗又

包林芳字泉石嘗受叔氏寄鏹數百人無知者及叔沒

幾十年俟其子長歸之

嘉興湯志

嚴震字宗遠父疾震割股肉爲羹進之父立愈同時有吳

槐甯冠者各割股療母及祖母疾人並稱之

劉志參嘉興何志

嘉興府志

卷五十一

列傳二

十

陳源一作陸源字本深性孝友好施父所遺盡讓之兄弟成化

壬辰歲大祲爲粥以食饑者好納四方游士戶履恒滿

詔賜壽官粟帛

劉志

許梧字來鳳事父母孝父病疽籲天以身代遂獲甦苦志

博學以鄉貢司訓通州子燭嘉靖庚戌成進士遂乞歸

歲賓鄉飲

陸光岳字與喬光祿卿淞之孫嘗扶父觀江行大風斷桅

岳呼天叩禱得安督學李同芳以惇儒慕義旌之

以上嘉興

湯志

包世熙太學生副憲檉芳于萬歷庚辰父遭病幾死世熙

露禱哀號嘗糞以辨甘苦病獲痊五十餘日未嘗解帶
卧久之夢神謂曰爾父壽止六十覺而懼曰吾聞古人
有減算延親者遂書疏禱佛前願捐已算以續父餘抗
詞宣懇淚隨聲注不一月暴下卒

馮夢禎包
孝子傳

許生佚其名刻工也性至孝萬曆壬子嘗斷一指療母病
同時士大夫詠歌其事李太僕日華詩有欲調穎叔羹
忽斷般輪指今日怡白頭他日鏤青史

李日華味
水軒日記

許錫璋字如季廉憲應達子父病刲左股以進弟病刲右
股以救錫璋早世弟錫瓚撫姪輩如己出俱以孝友名
時有許錫珍張應椿楊時雍亦以母病刲股人咸稱之

嘉興府志

卷五十一

列傳二

十一

嘉興
湯志

施謚字安甫思賢里人幼穎異終日危坐一似有所悟者
父母歿哀毀骨立盡以其產讓諸兄飄然物外徧走燕
粵還抵虎林于勝果寺遇異人張野翁授瞿曇宗旨年
九十無病而逝

劉志

聞人彬字涵虛力學行義事父孝繼母生數子彬皆教養
勿以煩老親及諸弟長以已產悉讓之天啟初里中以
善聞于官屢獎不受

嘉興
湯志

聞人昇爲肇慶經歷同郡有解軍道病迎致之卒殯于館
歸其喪又有諸生劉用章者見人以貧迫將自溺急止

而周之是秋其人舉於鄉卽同邑尙書吳鵬也後用章
貢入京亦授肇慶通判

吳志參嘉
禾徵獻錄

費有本號心齋敦倫砥行奉庶母如母撫庶弟有恩申年
喪妻不復娶里中爭延爲塾師稱費夫子又鄉民黃守
義事親有至性敦友愛兄沒事嫂如母撫姪如子閭里
稱之

袁志參嘉
興湯志

呂嘉祐吳賓素朱治恒俱諸生以好義稱崇禎乙亥三縣
嵌田之訟議未決直指左袒嘉善會七縣諸紳集郡廟
議平湖某紳亦袒嘉善時方謁直指郡人乘其出噪而
逐之直指大索噪者人人自危司李方士亮曰吾不忍

網羅多士也遂以三生解按院有張翹者亦諸生也營
救得不死當會訊時嘉祐已創甚昂首言噪鄉紳之挾
私罔上者非噪長官比也噪于途非噪衙門比也士可
殺法可紊乎詰之曰必有豪民倡亂者賓素曰攘田卸
糧人病切膚豈必豪民鼓倡今闔城驚竄生等捐軀代
民爲弭亂計可蔓延無辜乎杭司李黃端伯曰此義士
也勿深求乃免入獄擬戍嗣嵌田訟息各赦歸有司歲
以粟帛周三生稱三義士焉姚安爲之傳

吳志參嘉
禾徵獻錄

周之仁字長春幼孤奉母色養備至念未識父面請畫師
追真肖之事如生母歿躬負土成冢善說書著有翼朱

翼蔡等編又婁拱極亦幼喪父病失父像欲見其儀容
不可得以思父卒子先遠萬歷庚子鄉魁一夕夢父喜
謂曰汝祖像不失第訪之後得於繪師稿中咸謂孝思
所感

嘉興湯志
參何志

吳熙亮令鉛山縣以廉平稱天性孝友撫姪如子同時宋
鳳翔天啟丁卯舉人令文水縣亦多善行

王應中字鍾甫性至孝痛父祖相繼歿哀毀成疾幾不起
生平慷慨好義嘗條陳條鞭等法當時採行之所著有
獨省要言卜筮參同古今氏族考畧等集

以上嘉
興何志

項肇昌字彥卿諸生孝父母敦同氣獨力婚娶弟妹捐產

嘉興府志

卷五十一

列傳二

十三

以周合族慷慨好施舉鄉飲賓子嘉祚康熙丁巳舉人
倡義平糶出粟賑饑亦多善行

吳志參嘉
興何志

盛泰交字成宇時值旱蝗傾困橐以賑遠近就食者如市
又施元章號廣生亦好施尙義嘗焚券以厚貧者著有

桃花溪詩二卷

嘉興
何志

戴華字君實家貧父病力辦藥餌卒不起華痛哭垂絕以
有母在勉自抑以奉母又十餘年母病華晝夜哭甚哀
聲達於巷是日忽無聲戶不啟鄰人排闥入視見其母
已死華伏母旁面覆著牀已絕矣急救蘇責以大義勉
進粥水里中皆稱曰戴孝子

嘉興
湯志

高林字宇培膠州守文登子諸生萬歷戊子歲饑出粟賑濟時母戴大母趙相繼沒朝夕號泣致病遇家忌強起設奠一慟而絕以子道素貴贈工部郎中

巢祖羲字太初以諸生橫經授徒成就者衆錢閣學士升徐孝廉郴臣其最著也家貧以束脯奉菽水必誠必敬幼弟屢傾其業割產畀之應貢不仕生平學以誠意爲宗篤行爲務疾革素筆大書孝弟勤儉四字以垂訓孫鳴韶鳴和鳴盛一門友愛廬墓三十年以上袁志

屠宏允字琴山舉人早孤事母孝安貧力學族有以無妄陷重辟者力爲解不令知也丁母艱哀毀成疾卒袁志參張

楊園文集

羅斗章字仲昊天啟辛酉舉人歷宰衡陽早孤事母孝母病刲股療之與兄其甘苦兄卒撫孤如己子吳志

王永謨字公榮父紀善任三水縣有循績家本饒萬歷末盜寇充斥利其貲夜劫之衆皆避永謨母鄭年老不能出盜執鄭將殺之永謨從門外哭入橫卧鄭背日寧殺我無傷我母也鄭遂得脫盜砍永謨右臂斷之數日死其僕王成亦以救鄭死邑人哀之爲請旌又有孫鍾琦崇禎丁丑乙榜盜夜劫亦以衛父傷臂嘉興何志

包麟趾字仁甫泗州刺史世杰子性孝友父卒於官麟趾

方弱冠扶觀歸哀毀骨立入太學稱能文工吟咏與妻
沈偕隱著有浮峯閣唱和稿吳志

姜非熊字碩年與兄方泰惇友愛方泰沒非熊號泣不已
隨成疾卒又其族有之裔者母疾割股以孝聞有司各

旌之嘉興何志

章吉士居母喪蔬食三載乙酉間有同里吳姓者以金杯

數件託之吉士挈妻子避亂每出負破絮一器不少離

後歸及病革吳適至吉士亟指牀頭絮不能言吳啟之

故物也仍歸吳乃卒張揚園文集案吉士名可貞諸生著禮記纂註

姚某字光虞貧而好義有從母矢節族黨欲奪而嫁之為

嘉興府志 卷五十一 列傳二 十五

養於家三十年不少怠其族感而迎歸焉吳志

江皋字嘿含諸生工詩文崇禎間浹歲旱饑皋蠲粟賑濟

鄉里賴之幼喪父如成人母病籲天請代遂得愈丙戌

避亂為盜所傷昏暈中若有神曰江孝子無恙天將佑

汝後得痊子溥舉人袁志參橋李詩繫

徐彬字忠可貢生世淳第三子世淳殉難詔立祠時務倥

偲官未及也彬推所居為父建祠至今守焉絕意進取

尚論古今理亂著原治編兼學醫著金匱要畧事繼母

孝撫兄子如己子捐祭田建義塾鄉黨稱其行子煜國

學生煌上海縣丞以廉能課最補新興縣秀水任志

徐廷臣天啟五年母朱病刲股以進撫按表其間子應佳以母張氏病亦刲股兩世俱以刲股療母有司以世孝

格天額旌之

新纂

朱賢字汝賢父鳳邵武教授毀淫祠有聲賢以貢授太平訓導歷轉沔陽學正歸戶部郎蕭某嘗從賢授經以讞獄至浙有大姓坐法行數百金乞賢從蕭求末減力却之蕭欲因事以報終不得間也子建侯有孝行

袁志參嘉禾徵

獻錄

史直字亦元鼎革後自號籜冠道人精于元理年七十七忽示微疾作書與親友別三日後當脫去至期沐浴易

嘉興府志

卷五十一

列傳二

六

衣端坐而逝

徐宏本歲澇家貧無以供甘旨宏本買蓑妻賣櫛易米以奉父母已食糠粃勿使親知也同時有沈恩張漁者皆

以孝稱

以上嘉興何志

王士達隱于醫樂善好施夏施帳冬施衣貧而無殮者施棺槨又丐者王龍山勇于爲義里中項氏火龍山募人遷襯之陷火者他若倪存德負米賑饑王文憲沈景哲推財昆弟許聯登刲股療親錢可大完鬻子與棄婚救逋縲及溺子莊聖之鬻妻以養親其孝義皆有足稱者

吳志

國朝

陳良德字爾嘉順治初饑民走掠遍野良德年未冠負母
姚踉蹌奔走菽水無缺稍長棄舉子業行商數百里間
負米養親父卒廬墓三載歲時祭祀必哭終身不怠

江浙

通志

沈士先早失怙事母朱盡孝朱病刳股煎湯以進病尋愈

及母卒居喪哀毀骨立學使者旌其門又王燦戴長涑

姚詢岳亦以刳股療親疾

袁志參
吳志

金昭鑑字子乾祖九成父應秋家饒於貲明季以里役傾
家入

嘉興府志

卷五十一

列傳二

七

國朝條議賦役萬餘言如均田役清漕政官收官兌革廠夫
站價諸款入京求言路代題經撫按題允著為例東南
之民咸賴之兄殿鼎亦尙義好施

戴鉉字文生諸生避亂徙新豐里杜門教授疊遭祖父喪
方斂畢寇至里中盡竄鉉獨護柩不去賊加箠楚以實
情告卒保無恙

以上嘉
興何志

黃季瀚字魯生廩生父爲縣吏以錢糧呈累司檄嚴提季
瀚代解受責創極失聲憲司問之直言代父并訴父冤
憲司重其孝得釋順治丁酉舉於鄉令滑縣有能聲

吳志

參嘉興
何志

沈璜字若水諸生見義必爲有薛姓者亦諸生鬻其子以給衣食璜惻然傷之卽爲贖歸又諸生陳姓其父克里書逋糧數十金爲運弁所辱璜捐貲周之不收其券戚黃姓雙棺在室貧無以殯勉助其葬葬三日其家被回祿鄉里稱之買婢諱言其父越日其父來問何業日業儒卽歸其女又葺學宮施藥石掩露齒著有均田平賦議兩赴賓筵屢舉優行

浙江通志

張德型少孤克自淬勵士林語曰張君學行完瑜澈鏡竭力奉甘旨母疾刲股母沒廬墓以哀毀卒

朱昌來善事父及後母養生送死不遺餘力葬其叔而讓

產於姪又朱廷輔賀聖銘能周人急亦以孝義稱並舉鄉飲

徐朱直朱氏子襁褓時嗣于徐會刲股療母病及母卒徐之族以直嗣母側室本無子溝其穴於墓東直哀懇不許忿不欲生投五龍橋下舟過挽出得不死後始知朱出尋得本生骸滴血試之驗乃哭而掩之後官副指揮以才幹著仍爲徐氏請封焉著有青門集

曹穎濂字濂生績學授經著錄者百人尤敦孝友嘗竭束

脩所入以贍寡姊終老愛敬不衰

以上吳志

褚廷璘字遴侯諸生好爲地方興利除弊嘗與金昭鑑屠

延禧力陳官收官兌之法又因歉歲設糜以救饑者順
治間學使以德行旌之子蔚綸亦舉德行

嘉興何志

嚴闈綸康熙癸卯副榜六歲喪母哀泣如成人
事父孝養備至家貧遠館間日必趨省雖風雨不阻
遇饑疫廣製方藥并約同志設糜捨棺掩骼行數十年如一日

莊匏諸生嘗買陳氏宅陳乏嗣其祖先神宇朔望供香火

俟其有主然後歸之嘗需買柏木議價定已交其半及
往取乃陳氏祖塋也急止之不追其價

以上浙江通志

曹洪然康熙壬子副榜歷任教諭居恒不離父側侍母疾
衣不解帶夜輒露禱淚漬衣襟及居喪廬墓側哀感行

道每逢忌辰哭泣如嬰兒嘗曰吾沒後當葬于墓傍庶

魂魄長依二親也雍正五年具題奉 旌

浙江通志參吳志

蔣澄八歲隨父至松陵遇盜澄匿枕側盜擠父將入水澄

躍出大呼盜驚詫舍去又有譚有陟亦隨父自白門歸

父沒舟中未具斂至泔墅關懼詰阻乃佯病抱屍寢及

抵家亦卒同時馬璫金班江日乾高式玉吳宏昇俱以

親沒哀毀致疾卒

江士琇母喪隣居失火士琇伏棺願與俱焚忽迴風返火

以上吳志

李應魁字坤賜常豐里人家世業農應魁讀書明大義至

性孺慕動合古人年十八母徐病劇不可救應魁夜則
禱天請代晝則奔走醫藥不解帶不櫛沐者旬日已潛
到其左股投湯藥進之母病遂愈父母先後卒居喪哭
泣備禮哀毀骨立廬於墓早夜悲號有芝草生於塚年
九十卒雍正五年具題奉旌包爾庚李孝子傳

吳煥諸生五歲喪父哀毀如成人母徐曲意承順四十
餘年母卒廬墓三年雍正五年具題奉旌浙江通志

王人吉字丹崖諸生性至孝父病顛天請代事母色養備
至母年八十餘卒人吉哀毀成疾杪門十餘年姊妹早
寡婚嫁其子女族黨有貧者時加周恤焉吳志參新纂

嘉興府志

卷五十一 列傳二

三

胡鼎錡字珩玉事母孝讓宅從兄葬族之不能葬者十餘
喪生平重然諾敦任恤以田三頃置祭產充春秋上冢及
修墓費餘以贍族子泰以例貢任景州知州歷彰德知府
孫樹薇知任縣俱有廉聲吳志參會日理胡氏祭田碑記

朱永年姚元微馬義禎徐之璣胡守仁並以讓產稱倪我

端盛朝宗陳家慶沈元瑛沈璇沈鳴揚沈開泰沈陳包
鍾沈裴陸濤吳光漢並以尚義稱屠肅薛珩曹繼章高
百揜徐耿震張年卜雲從或著孝行或敦古處皆有足

稱者

案朱永年以下諸人姓氏俱載吳志今無實事可述以舊志所有故並存之

姚潢字水心諸生父病醫藥不效潢禱天割股母子氏病

復割股宗黨稱其孝潢諱而不言

陸夢蛟字華雲有至性曾刲雙股愈親疾每好懲勸鄉里

皆嚴憚之

以上嘉興何志

沈茂功年十三嫡母朱病奉湯藥衣不解帶日夜籲天求代卒不起伏母屍一痛而絕逾時始甦事繼母徐又事謝亦如之父沒哀毀幾滅性既葬廬墓三年哀感行路雍正十年具題奉旌

楊汝霖字瓘文以貢除臨海訓導實學課士康熙戊子己丑水旱相仍檢討朱彝尊爲倡各率私錢爲粥食餓者汝霖踊躍勸募與有力焉子爲裘字治良庠生有孝行

嘉興府志

卷五十一

列傳二

三

著石齋詩稿

吳文煒字旭超以諸生貢太學康熙壬寅旱文煒首捐賑勸同志各輸粟其議賑法曰施粥不若施米貧民男女各有業若枵腹奔走以待一餐則一日之業廢今先計其家若干口需若干米登籍而給以票三日一賑賑之日驗票給米如是則民不廢業吏胥不得藉手衆然之文煒寢食賑所實心任事全活甚衆雍正壬子又饑復行之當事表其閭子高增爲邯鄲令高峻爲桃源令皆以才幹稱

顧尙文字逸周性孝友多義行年七十餘樂善好施孳孳

不倦康熙六十一年學使旌其閭曰風高月旦
沈英字甸偉襁而失恃父鴻起辛勤鞠育甫成童卽訓蒙
以給朝夕家貧父子子處其從祖璜時周邨之旣長念
授徒不足以供甘毳遂精六法方駕古人康熙乙酉游
京師以諸生薦充

暢春園畫院供奉父病卒訃聞英悲哀擗踊痛不欲生星奔
南下以毀卒于山東之聊城距父沒纔四閱月以孫叔
珽仕贈吏部稽勲司主事

劉孝子失其名住新脞鎮少孤母王撫之成立家貧賣粉
餌度日母病刲股和藥進病尋愈及母卒哭泣宿柩傍
三年如一日雍正間邑令董懿詣其廬送黃鵠慈烏額
以表之

吳士基少喪父哀毀如成人家故貧母沈苦節士基能竭
其力凡所以孝養者無不至母卒居喪廬墓皆盡禮弟
妹俱幼友愛備摯每念父母哀號欲絕終身如一日乾
隆元年具題奉 旌

范進生字振公承順親意處昆弟篤友愛尙義好施首倡
賑濟以博親之歡事之數十年惟謹父母年皆八十餘
卒哀毀盡禮隣有不遜于親者聞范名皆感悟恐不齒
于孝子也乾隆二年具題奉 旌

沈俊傑字位三少有至性每遇父母疾衣不解帶顙天請代病皆愈及母卒俊傑一痛幾絕甦而嘔血吐袖中不使父知恐傷父心也父後卒俊傑哭愈痛呼號日二年中父母皆沒吾何獨生也哀毀半載卒卒之日重服在身屬以哀經殮葬父母塋側乾隆二年具題奉旌

李志鯉字濟宇事親孝兩居喪哀毀過禮嘗于客邸遇逋官稅者哀其急代之輸及志鯉沒其人來哭語其故始知之其陰德類如此

戴公鎮字殿邦年十五父病劇焚香顙天割股和藥以進病尋愈父沒哀毀骨立中年喪偶不復娶

嘉興府志

卷五十一

列傳二

三

李庭凱孝事父母嘗割股療親疾其族有李期者母邱病篤亦割股和藥進得復甦

以上新纂

王愛字力行父病篤割左股以進病遂愈後精于醫寓硤石鎮著有四氣撮要卒葬紫薇山側硤人立碣表其墓

梅里志

倪德臣字振公有至性年十三父病篤呼天露禱卒不起痛哭不欲生母孫患背疽時方溽暑腥穢不可近德臣朝夕以口吮之病尋愈母年九十八卒德臣年亦老哀毀之誠初不異喪父時也乾隆五年具題奉旌

周仁母患疾嘗兩割其股以療疾得瘳臬司陳道基特旌

之塑像土穀祠祀焉

梅里志

鍾顯名號升庵少喪父如成人事母嚴孝母病刺血書疏禱于天夢神授以方病尋愈母後卒顯名哀毀不欲生死而甦者再既葬廬墓三年哀號如一日顯名嘗遭回祿兒女不一顧奔赴煙燄中抱祖先父母栗主出遍體糜爛數年始得痊乾隆十二年具題奉 旌

朱昌辰性好義姑寡而貧欲度其二女爲尼爲嫁之故人子欲爲僧力爲資助返其初服僕諱其姓後知爲舊族焚券善遣之能詩有梅花閣殘稿

徐琳字荆山居梅里究心理學與同志倣康灝儒張考夫

嘉興府志

卷五十一 列傳二

三

爲允安會以葬不能殯者又舉廣慈會以施棺槨

以上新纂

王楚仁居梅里舍傍有宋時梅釀酒具蔬供客游取貲以奉母早年得奇疾遇異人與藥貼患處及去藥一白色

蜈蚣隨之出病遂愈人以爲孝感云

繆綏武雪堂瑣錄

王三寶乞食以養母母病三寶輒不食母死不復行乞數月以毀卒同時某孝子者本農家子母患瘡臭穢不可近孝子以舌舐之數月愈母沒廬墓四年二人皆王姓一嘉興梅里人一秀水閭川人

莊嘉字昇瞻雍正丙午副榜己酉以保舉授戶部主事外艱服除改補中書舍人乞養歸生平尙義好施乾隆乙

亥歲禮嘉首捐二千金設法賑濟並勸好義者各出貲
以助全活甚衆事聞奉

旨晉級

俞元龍字約園有至性父喪於風雪中躬負土成墳家居

南湖濱讀書不入城市生平多義行稱長者乾隆甲戌

舉鄉飲賓

以上新纂

吳廷薦弱冠時嫡母孫邁危疾百藥勿痊廷薦念世有割

股以療親者夜靜屏人割一瓣和飲以進母病果瘥

祝維

誥吳孝子傳

李宗仁字乾三明罄孫性至孝父陳常任揚州鹽政病亟

嘉興府志

卷五十一

列傳二

三

宗仁刲左股和藥以進母陳病復刲右股居喪哀毀欲

絕著有養恬山房詩文集

金陳登字禾箱父兆篁嘗讓產於弟居喪哀毀損一目以

孝友稱陳登績學砥行雍正癸卯舉人淡於仕進性友

愛與弟斯箱同爨精醫濟世著蔗餘集子學超立品敦

行由拔貢任昌化訓導壬午鄉薦任麗水教諭

董廷魁字殿傳性好義乾隆丙子歲饑出粟數百石全活

無算郡守李公星曜表其閭曰春生黍谷又陳瑞龍字

祥雲乙亥丙子間捐資助賑里人德之知縣張元文旌

之曰梓里稱仁

金廷炎字質威少孤事母孝母病與弟廷琛籲天請代且
割股以進廷琛夫婦早世遺三男二女廷炎撫之皆成
立

李淦字玉持乾隆癸卯舉人績學砥行至性純篤父嘗嚴
冬痢下懼中寒蹲身舒兩臂于圍器用資柔暖著有春

浦詩文鈔

杜嗣宗字紹先母患癘醫勿效嗣宗禱於城隍卽神前出
袖中刀割股和藥以進母病愈又有鄭天榮者母病篤
天榮剖胸取血調藥進病亦愈

張昆祖母患背瘡昆以舌砥之日凡數十次瘡尋愈父死

嘉興府志

卷五十一

列傳二

三

于吳瘞叢冢間棺朽骨露欲扶觀歸不可辨乃嚙指滴
血驗之得歸葬

張桓及弟信皆有至性母病篤兄弟同時割股以進各不
相謀也後爲人所知因繪棣萼聯暉卷歌詠之

朱天佩字覲揚諸生父目青天佩每晨以舌舐之遂復明
嗣患病割股和藥進病亦愈及父母卒哀毀盡禮生平
敦友愛無間言讀書教授鄉里重之

盛洪例貢生好施予乾隆乙巳歲祲與弟潮源捐粟以賑
每日計口給米閱兩月甲寅秋復與弟設糜以救饑者
巡撫吉慶給尙義可風額表之又有周永春者丙戌輸

粟助賑郡守以志存任卹額表其閭

車宗祈字聖昭性孝友父病篤刲股以療父沒幼弟四人

撫之皆成立天性之篤有人所不能及者以上新纂

文苑

唐

邱丹官諸暨令歷員外郎隱居臨平山與韋應物鮑防呂

渭諸牧守往還唱和錢起李端亦多贈言丹有詩十一

首并聯句諸作及江南長安十二月景詞行世全唐詩參樵李

詩繫案樵李詩繫邱丹嘉興人郡邑志皆失載攷杭州府志貞元時尚書戶部員外郎邱丹退居臨平山墅唐時嘉興屬蘇州臨平為嘉興南境故蘇州刺史韋應物贈丹詩云終當署里門一表高陽族丹荅詩云還同褚

嘉興府志

卷五十一

列傳二

三

宋

伯玉入館忝州人又崔峒送丹詩云春水與寒煙嘉禾路幾千據此則丹之為嘉興人無疑今增入

謝炎字化南蘇州嘉興人為文慕韓柳與盧稹齊名時謂

之盧謝稹與懦炎勁急反相友善端拱初舉進士補昭

應主簿徙伊闕連知華容公安二縣卒年三十四集二

十卷宋史本傳

呂渭老字聖求有文行以詩名宣和末為朝士歸老於家

所存詞二卷計詩一百三十餘首同邑有錢諷字正初

撰回谿史韻附韻類事若干卷趙圖記參嘉興湯志

康與之字伯可建炎中駕駐維揚上中興十策聲名大振

時不能用其後擢爲臺郎值慈寧歸養兩宮燕樂與之
專應制爲歌詞腴艷粉飾世以柳耆卿比之著有樂府

五卷

鶴林玉露參
嘉興湯志

聞人滋字茂德璪子喜畱客食然不過蔬豆郡人求館客

者多就謀之蓄書喜借人自言作門客牙充書籍行開

豆腐羹店曾爲敕局刪定官談經義滾滾遂于小學

陸游

老學庵
筆記

呂重庚字申伯博學能文端平間登進士第官至大理正

自號九山著有九山集

至元志

徐聞詩字子言資性穎悟八歲通九經理宗朝由童科擢

嘉興府志

卷五十一

列傳二

三

紹定第仕至惠州守

柳志

元

孫固字以貞性恬淡好讀書辟署華亭縣學事與楊維禎

陶宗儀詩筒往來酬唱成帙嘗自題其齋曰聽雪著有

聽雪齋稿

兩浙名賢
錄參袁志

陳堯道字宗遠自號竹林居士通五經元亂不仕與楊維

楨輩相倡和所著有竹林集子約字博文綱簡文釋思

文緝熙文皆以家學切磨善言名理爲歌詩自相師友

而約尤貫綜百氏應聘官大理卿終山西布政使有一

默居士集

趙圖記參
袁吳兩志

衛培字寧深涇之會孫也涇自有傳性端恪博通經史明於典故延祐七年郡守以培充貢龍虎榜賦文不起草雖被黜識者推之知州王安貞聘訓導州學號月山先生所著文十卷曰遏耳集

吳中人物志參劉志

黃玠字伯成與趙孟頫黃潛善不喜儲蓄有輒貸人晚值兵亂益貧困處之泰然為詩沖淡夷曠後家弁山著弁山小隱吟錄知非舊稿唐詩選纂韻錄行世

劉志

陸景龍字德陽至順己巳舉賢書官明州學正著有湖峯稿工於咏物

顧深字淵白一作文琛元季入京獻燕都賦不得志歸晚年領

嘉興府志

卷五十一 列傳二

教岳陽同時錢大有字明遠發憤工詩楊鐵崖稱其善

學以上橋李詩繫

葉廣居字居仲與鄉人張翬鏞堪為文字交仕至浙江儒學提舉晚年築室西冷橋陶情詩酒著有自得齋集鏞堪工文詞善古隸隱居魏塘以易授徒有芝林集又同時有黃魯德亦魏塘人有詩才邑景多其題咏

吳志參橋李詩繫

聞人樞字德機郡之望族也嘗從鮑仲孚受業又登江西夏日菽之門遂通易學至正癸卯中進士授承事郎易州同知未及上官以疾終

柳志

明

張翊

一作翼

字翔南先世建德人徙嘉興博極羣書作文敏

捷好為奇語至正乙巳薦于鄉與金綱俱以龍門賦中

高等舉甬東書院山長不就明初徵入禮局事竣賜白

金歸家近陸宣公祠庭有巨梓因名所著曰梓宇集

靜志

居詩話參

樵李詩繫

陶振字子昌自號釣鼈生學於楊廉夫治詩書春秋三經

洪武間薦授吳江訓導嘗坐佃官房逮至京進紫金山

金水河二賦得釋改安化教諭隱于九峯有釣鼈海客

雲間清嘯二集

樵李詩繫

嘉興府志

卷五十一

列傳二

三

郭秉心字公葵以善詩見推于徐一夔唐肅永樂間有姚

粵字文政亦以詩名與夏原吉相友善以明經授武康

訓導有七香詩稿

吳志參袁志

王鏞梅會里人洪武庚戌舉人官翰林院編修弟鈞字天

全有合刻詩稿失傳

吳志參靜志居詩話

姚黼字廷章宣德間布衣御史綬之父也擅隱居之樂能

寫山水宗岳雪樵工詩日與陳顥韓永倡和優游自得

人以可閒先生稱之顥字漢昭雲間錢博稱其詩間雅

典厚力追唐人有竹鄰子稿

樵李詩繫

懷悅字用和居相湖南園亭詩酒之會極一時之盛輯有

士林詩十卷後有沈章字宗玉居苧莊畧徇相通環以水竹詩頗崛奇著有苧村集

靜志居詩話參樵李詩繫

王遠字公路永樂甲午舉人會試不第卒業太學謁選得襄陽衛經歷不就歸授徒自給長于詩賦著有南溪吟

卷管窺集雲溪遺稿

嘉興湯志參樵李詩繫

包鼎字汝和鼎弟也成化戊戌進士授無錫令與項忠金

禮諸公為耆英會彙詩文為一集從子憲字循之以貢

任湖廣訓導陞山東教諭人以君子稱之

吳志參嘉興湯志

徐文和嘉靖丁酉舉人任揚州通判罷歸究心理學臨終

語其子曰皇極經世之學不傳矣親操筭子與諸子講

論講畢而逝著有蛋湖詩稿

嘉興湯志參樵李詩繫

彭輅字子殷幼穎異才名籍甚登嘉靖丁未進士知新淦

縣刑部郎罷歸時秀水有范言以文辭與輅相頡頏言

宗韓歐有體裁輅閱肆綺麗出入史漢各負氣不相下

然輅不宜於人官亦不顯著有比部集

袁志參靜志居詩話

金九成字伯韶父應秋以貢諭六合清學田贍貧士以文

行課諸生九成幼警敏善屬文九歲題詩郡齋為郡守

龔勉所重年十二補弟子員萬歷丙子舉于鄉再上春

官不第歸卧武原望虞山著史論史辨各三十卷又別

為元史考誤四十卷詩格在高季迪袁景文之間五言

今體尤爲道上子壽明敦行好施孫善鎔以藝事稱王世

貞金九成
傳參吳志

馮元鑑字鑑之萬歷庚子舉人授廬州教諭陞涪州知州
乞歸結廬雙溪之濱高雅善文尤工書法行草及署扁
皆擅絕一時閉戶讀書人罕覩其面同時載灝字升之

丙午舉人亦工書法與元鑑齊名橋李詩繫參
嘉興何志

鄒衡字汝平憲廟末諸生郡守柳琰延諸生會春平湖教

諭林光修府志既成衡惜其缺畧復作嘉興府志補嘉禾

徵獻
錄

陳泰交字穉孚性豪舉慷慨慕義同里黃宮詹洪憲見而

嘉興府志

卷五十一 列傳二

三

奇之爲文高古奇崛膚學讀之不能句項進士鼎鉉好

奇文與爲莫逆交早卒著有同倩先生集嘉興湯志

徐宏澤字春門居春波里少曾割股療親疾有孝行家貧

逐什一之利市聲紛呶宏澤下簾靜坐泊如也工詩類

元白畫出入子久叔明仲圭三家書法吳興尤愛張伯

雨時稱春門三絕晚登峩眉窮巖壑之勝及歸詩畫益

工自號竹浪老人子伯齡崇禎庚午舉人任永嘉教諭

爲黃道周所重後自甌至閩流離困頓歸亦善詩畫嘉禾

徵獻錄參李日
華徐隱君傳

陳懋仁字無功性嗜古節俠自喜參軍泉州不以簿書廢

鉛槧記泉南事多故牒所未備足跡遍海內晚歸著述凡二十餘種李維禎嘗曰子周覽天下五十餘年僅得檇李陳無功一人著有石經堂集子蓋謨字獻可篤行博學精考天文地理象數聲韻皆有詩法著有皇極圖韻諸書

舊浙江通志參嘉禾徵獻錄

屠中孚字德允康僖公勲曾孫攻苦好學賦性孝友撫孤姪卹貧交慕義好施知無不爲邑令湯齊聘修邑志李少卿日華總其成一切綱羅編輯中孚及陳邦俊爲政未卒業卒子用明復出所存故實以相佐著有重暉堂聯合軒醉煮茗齋鄰虛閣愚菴館諸集及嘉興文獻志

嘉興府志

卷五十一

列傳二

三

等書

嘉興湯志參吳志

聞人懋字孟晉攻苦下帷數奇不售設帳授生徒四方從游者衆其談道得良知一派于姚江爲功臣爲文片紙落案人爭取之著述甚富

嘉興何志

莊巖字銘五嗜讀書纂錄甚富以歲貢除山陰訓導轉靖州學正士風丕變卒祀鄉賢著有古今詩選山陰唱和集子日思字汝立貢成均攻苦績學遠近問業者多所成就鄉里稱其孝友三舉大賓祀鄉賢著有四書尙書說準白苧草集

袁志

唐文選字儒章績學砥行言動有法事父母多孝行築室

白苧墓傍讀書教子著有飛虹館尙書稿叢桂軒等草
子堯夫堯岳堯夫以歲薦爲臨江訓導堯岳博綜羣籍
十二補諸生治詩古文詞工書法好施予著有剝廬集

白苧吟堯岳子珏亦有文譽

嘉興湯志
參袁志

嚴錫命字九華歲貢任衢州訓導遷教諭舉鄉飲賓窮居
講幄弟子以次受業著天然子集子觀勲臨並知名

袁志

李貞開字泰卿少攻苦嗜學以貢司訓太平啟誘後學津
津不倦兼長詩古文詞膺薦擢江西會昌令年逾七十
罷歸卒著有北征焚餘涉江燕游姑熟銷夏烟雨樓詩

賦七種

嘉興
湯志

嘉興府志

卷五十一 列傳二

三

許應培字伯厚少孤有至性精心舉子業淹貫經史擅古
文詞游臨川湯顯祖之門湯重之遣其子來禾就學名
流造請無虛日同郡黃洪憲陳懿典並以國士遇之董
其昌黃汝亨輩尤以翰墨爲莫逆交歷試南北二雍兩
中副車齋志沒子鍊諸生狷介如其父

袁志

沈嗣選字仁舉好學能文爲諸生有盛名需次歲薦以親
老不赴天性孝友乙酉奉母避兵葭川盜知爲老孝子
戒勿犯生平破產聚書嘗謂自昭明後代各有選而南
宋缺焉乃輯南宋文選百卷未梓著有儉娛堂集尙書
論語傳等書明人私謚曰孝貞仲子椒衍亦知名

袁志
參樵

李詩繫

朱治憫字子暇天啟辛酉舉人選授肇慶通判宣勞戎務

卒于官其詩磊落欽寄不沿時習

靜志居詩話

顧猷字若昔隱居教授工詩得中唐法俯視流輩烏程相

欽其名引為布衣交不之許著有桃花里集

袁志

顧玘徵字文玉居梅會里諸生履操方潔鄉里畏服之有

十五國風疏讀書臺吟稿

禾郡集紀參梅里詩輯

錢應金字而介縣學生以詩詞名城破走村居游兵掠郊

野見殺有古處堂集

靜志居詩話

陳恪字子肅善事母與兄恂齊名兵後隱居著癯庵詩草

嘉興府志

卷五十一

列傳二

五

子與權苕荃孫廷光並有文行

吳志參靜志居詩話

包爾庚字長明御史節會孫崇禎丁丑進士知羅定州後

棄官為僧終身不入城市爾庚少有文名為制義精深

簡當字字刻入一時攻帖括者皆步趨之著有直木居

詩文集

嘉禾徵獻錄

李肇亨字會嘉太僕日華子畱意圖書討論藏弄嘗與譚

貞默同主鴛社先後賦詩者三十三人工詩善繪事著

有寫山樓率圃夢餘諸草子新枝琪枝皆以詩繪聞于

時

靜志居詩話參橋李詩繫

鍾代英字幼芝嘗游九邊諸大帥幕如李寧武杜焱武皆

尊爲上客有傳舍稿質硯草其詩致深而思苦本之工
力澤于性情橋李詩繫

褚廷瑄字耕耘博涉經史寓目不忘崇禎癸酉舉于鄉甲

申後杜門不仕居角里築學圃讀書課子以善書名于
時生平著述頗多皆散佚同時何其仁善寫蘭任知州

歸甘居貧約禾中以褚草何蘭爲二絕吳志參橋李詩繫

案吳志文苑門所載明人尙有牽連書姓名附見於各
傳中者如聞人麟郁遵朱克恭馮伯初金慎姚翼陳延
齡賀麟薛文炳沈木張志遠徐淮錢熙戴長汎沈章范
風仁褚連時蔣人朱復諸家並見明詩綜又朱琳周德
行沈文輝諸家並見橋李詩繫攷
諸人本無事實可紀附存於此

國朝

嘉興府志

卷五十一

列傳二

三

譚貞默字梁生昌言子崇禎戊辰進士授工部主事假歸

杜門著書有見聖編其間集埽庵詩存雕蟲韻史讀書
創立鴛社集里中諸名士相切劘吾鄉稱文學者自李

太僕日華外推貞默云橋李詩繫

黃濤字觀只侍讀學士洪憲會孫崇禎壬午解元出陳子

龍之門早歲卽知名四方名士皆願與交入

國朝爲龍游縣教諭秩滿擢滋陽令未赴卒生平著述甚富
長于吟咏有橋李古蹟詩行世

王翊字介人居梅會里少棄舉子工詩古文辭慨然以起
衰爲已任與里中諸子相倡和因有梅里派之稱詩名

著吳會間陳推官子龍謂其有盛唐之風序其詩詞著有春槐秋槐堂等集惜散佚傳者什一詩餘三千餘首諸體畢備亦多遺缺翊本狂者而操行高潔張豕宰慎言嚴司李正規先後欲官之竟不顧以上嘉興何志徐善字敬可世淳子棄科舉不治從學施博精求致知格物之學晚作易論及徐氏四易一天易闡圖書也二義易敘八卦也三商易辨十辟也四周易明四正八交之旨也又爲春秋地名考家傳藟谷集流寇紀年莊子注周體密法會通弧矢六宗疏容圓寶絲網璇室洞詮等書子觀能詩從子發官運判亦精象數著天元歷理清

嘉興府志

卷五十一

列傳二

三

類亭稿

吳志參檇李詩繫

蔣薰字聞大崇禎丙子舉人順治初授縉雲教諭知伏羌縣嘗申請革除濫徵夙弊民有抗不輸者作詩勸之被彈落職歸以著述自娛合少壯所作詩至萬篇手自刪汰有畱素堂集同時袁祿青田訓導有綺里居集羅開

麟烏程訓導並善文辭

朱彝尊蔣君墓志參吳志

許宗渾字岱雲順治壬辰進士授松江推官值漕運官收官兌之初弁丁勒耗執法惠民以註誤調用拂衣歸士民攀留有薦引者以七不堪辭之著有敬直堂草嘉興何志李鏡字無塵少肆力於詩古文詞晚歲潛心學易于列史

多發明嘗與長洲汪琬論文契合琬爲序其集著有周

易參義史論襲紫樓集

李良年行畧

周箕初名筠字青士遭亂棄舉子業就市廛賣米有括故

家遺書連船載以鬻者箕買得一船積樓下每日中交

易箕筭斗斛權衡滿肆撥亂書糠粃中吟誦不輟與同

里王汾王復旦褚標李麟友金時敏蘭谿范路輩相倡

和著有詞緯今詞綜析津日記投壺譜采山堂詩文集

從弟篁有鷗塘集

朱彝尊周青士傳參吳志

沈進字山子諸生工詩與同里朱彝尊周箕酬和人目之

曰朱沈又曰周沈以梅花高館落春草斷垣生句得名

嘉興府志

卷五十一

列傳二

三

一生貧而介讀書自樂彝尊銘其墓謂可入作者之林

獨行之傳嘗游京師歸自號知退叟著有文言會粹行

國錄東園藍村半巢等稿退叟行吟力圃蕭間詞袁溪

文稿子翼字寅中歲貢生幼承家學爲彝尊高弟隸書

得漢人法性孝居喪盡哀甘露降于堊廬者三

朱彝尊沈山子

墓志參吳志

李繩遠字斯年縣學生例入國學考授州同知本忠孝之

族世重儒林又早爲昆明牂牁百粵之游六年而返所

爲詩風騷漢魏下逮齊梁著有獼祭錄正字通補正尋

壑外言弟符字分虎少穎悟讀書一過成誦肆力於古

仗氣好奇爲萬里之游詩清空一氣詞則盡埽科臼獨露本色尤工駢體著香草居集

高兆屬雲閣稿序參高層雲李符墓表

李良年字武曾九齡能作文十齡解賦詩與兄繩遠弟符稱三李于詩格律甚嚴嘗抄得詩中禁字一卷授學者所作奄有唐宋別出機杼于詞近姜堯章吳君特以博學鴻詞薦

名試灑灑千言賦詩皆極瑰麗卷被落同時無不惋惜既倦游

歸築秋錦山房弟子著錄甚衆有秋錦山房集子潮偕與朱昆田史先震錢是式徐燿然張費源李陳常李成大爲漁社八子有觀槿伴鶴等集

朱彝尊行畧參梅會詩選

嘉興府志

卷五十一

列傳二

三

沈騏字鶴山有懿行與程定鼎扶野尹延英樹百以文相友善又陳堯勳明易學徐之福敏文辭徐無能于東暹

並長樂府曹三秀吳人寶顧清並能詩葉紹泰應元美沈廷彥錢浦皆耆儒

吳志

徐無爲字初鄰以好客致貧爲時所稱查容贈以詩有療貧無藥病無資嚼蠟生涯死不辭句蓋實錄也

吳志參檇李詩

繫

鄭珣字隨始縣學生少治春秋既而嫉胡安國傳義之非投牒更治詩間擬樂府音節出入漢魏間一及諸經疑義講說紛綸闡前賢所未發以是問業者衆遺稿失傳

朱彝尊
壙志

徐梗字庚清梅里自二王之後梗稱詩最早在杜湄周篔
之前著有西溪詩草杜湄字晚實其詩清潔高秀有王
孟遺音王翊稱其得風人之旨有極草堂廢園燕臺諸
集靜志居詩話
參樵里詩繫

繆永謀字天自更名泳字于野諸生無意進取遂棄舉子
業學問該博象緯律呂醫巫諸學咸究其精嘗輯嘉禾
文獻錄未就詩尚風格與雲間相近有苻谿集弟其器
有遙山堂集子啟武以明經薦知汶上縣有崖畧草堂

集李繩遠行畧
參梅里詩輯

嘉興府志

卷五十一

列傳二

罕

曹山秀字中峽諸生能詩通經史治舉子業老而不遇與
里中吳苴朱彝尊同學相友善多酬倡之作著有散懷

錄朱彝尊曹
君墓志

高佑鉅字念祖父承埏嘗輯自靖錄記死節諸臣佑鉅續
成之博聞強記尤諳隆萬以來舊事著有懷寓堂詩贈
炙藝林弟佑鈞子洪謨並能文吳志

盛遠字鶴江少穎異棄諸生遨游荆楚三至京師嘗客芝
陽刺史黃家遴欽其名與訂交及家遷移守禾郡遠未
嘗干以私家遴乃建瓣香閣于南湖瀆為遠講學之所
弟子從游者衆遠無後祀高士之無後者自林逋以下

若而人與同里屠廷楫項奎結三友庵晚築生壙自題詩諸名流皆銘其墓及卒郡人沈時等請于學使卽祀于瓣香閣書法董其昌詩尤膾炙人口著有散化錄瓣香閣詩集同時有張劭字博山布衣工詩善考核游歷四方諸巨公皆引重之其聲價與遠等有木威道人集

吳志參宜
山外紀

屠廷楫字爾濟補諸生棄去詩酒自娛以農桑課諸子其於行也不疾時其于詞也必拔俗與同里盛遠項奎稱樵李三高士有鹿千草堂集十二卷又同時蔣岍字僧果襟懷曠遠廷楫贈以詩有作詩凌陶謝學道尊張程

嘉興府志

卷五十一 列傳二

聖

句亦有名于時

曝書亭集參
樵李詩繫

郭哀采字龍威順治戊子舉于鄉知宜春縣熟于史事好議論古人成敗得失喜爲詩詩輒工雄渾明秀同里王翊論詩頗嚴獨於哀采贊歎不置有西翠樓集

顧仲清字咸三諸生少穎悟工詩凡書畫篆刻靡不精究工畫蠅題詠至五百餘首時稱顧蝴蝶著有讀左說莊記韻急就篇悉數錄名畫姓氏考輿圖韻編扶青閣稿

以上梅
會詩選

戴鏌字淑章貢生工詩古文檢討朱彝尊深器重之與昆用多倡和之作四方名流如毛奇齡潘耒諸人皆與交

築暖翠浮煙閣一時文酒之會稱盛焉著有六書明辨
笑亭詩文集

徐懷仁字元伸梅里人與同里王法字上濤鄭邁字序周
皆從檢討朱彝尊游俱能肆力于古懷仁著有柘南集

法有岫雲藝藿等集

以上梅里詩輯

朱琪字珣叔貢生授衢州訓導擢江南通判知江都縣以
廉能稱旋罷歸事母以孝聞樂善不倦耽于吟咏少從
檢討朱彝尊游彝尊稱其人志潔行芳質美好學為作
芷間記以表其讀書之室著有東谿詩草

梅會詩選

徐真木字士白卓犖負奇畱心博雅典籍靡不窺覽詩宗

嘉興府志

卷五十一

列傳二

三

唐音尤善書法鐵筆世推三絕沒後片紙隻字人爭寶

之著有懷古堂集

李良年徐士白傳

案真木風雅之士當日諸名流皆推重之吳志列入技藝則人以技掩矣

趙香營字餘村工詩老不得志往往以詩自娛同時有周

福柱字白門何元夔字郵音皆以詩鳴與香營相倡和

吳志

陳昂字書厓官同知家梅里與朱彝尊父子居鄰並曝書

亭集有同登澱山寺謁秦女祠分韻詩笛漁小棹有題

其納涼圖一詩云杜甫南鄰也姓朱柴門月夜每招呼

新來歸作詩人伴消暑牆頭過酒壺其風致可想見矣

李光暎字子中家富藏書尤嗜金石文字搜羅不遺餘力
嘗裒集諸家辨論撰觀妙齋金石文字畧十六卷子知
故能承家學孫三才著有茹古閣詩集以士新纂
郁之潤字霖汝康熙乙卯鄉舉以母老不會試著靜惕堂
集又陸廷模孝友能詩嘗編竹林詩社集

鄭春字玉書七歲能文著學庸要旨毛詩釋義彙雅游草
紀游諸書又儲福海屠旭吳元洲張宏棫皆以詩知名
張鳳異孫昭亦並能文

許雲龍少能文棄學武康熙庚辰武進士選侍衛奏對詩
詞稱

旨出歷參將撫恤兵民多惠政

以上吳志

案吳志武科未載許雲龍姓名存以俟考

李琇字補山明菴子歲貢生授蕭山訓導陞處州教諭抱
負恢奇詩多傑構海寧查侍講昇稱其窮而益工著有
道南堂詩集子宜庠生有燕石草從子之棫貢生有崖

溪集

梅會詩選

曾安世字濟蒼以貢授浦江訓導手書六則課士浦少科
目至是多獲雋地爲朱呂講學處因集諸賢說爲浦陽
文紀生平敦孝友多義行爲詩長於古風朱檢討稱爲
禾中作手著有西隨集子郁字嗣祖有寶松慚稿次子

郇字如孟乙卯拔貢授湖北應山令有秋原集新集

金介復字晉民康熙戊子副榜嘗從朱李諸前輩游著述

頗富有讀鑑玉合子一簣編子祖端令泰興有惠政梅里

詩輯

戴錡字坤金國學生少耽吟咏朱檢討序其詞謂兼南北

宋之長嘗入都一時巨公制作多出其手晚主麗正書

院著麗正詩文集魚計莊集二十六卷詞二卷錦繡段

十六卷畫史十卷漢隸字原訂譌說十二卷兄彥鎔字

貢九以貢任會稽學博有聽鶯樓稿燕游草越州詩存

晦堂詩話參毛奇齡越州詩存序

嘉興府志

卷五十一

列傳二

四

李宗渭字秦川康熙癸巳舉人知永昌府工詩歌擬古務

以漢魏六朝為宗海寧查編修慎行推為畏友著有瓦

缶集弟宗潮字坤四乾隆丙辰舉人徵試鴻詞放歸授

廣西灌陽令文采風流並相推重有二守齋詩鈔梅里詩輯

葛宗信字行之工詩尤長於史吳給事源起重其學爭相

延致一時章奏多出其手著有安素堂詩鈔子淇業庠

生精楷法有無隅館集

閻元晟字茗厓雍正癸卯舉人攻苦力學及門多知名士

乙卯舉鴻詞科執政欲薦之方固辭而閣學吳家騏已

特疏薦終不赴後銓選縣令又以衰老辭著有竹洲詩

鈔以上
新纂

李振鷺字雲客良年會孫志行高潔工書似歐陽率更詩

尤和雅著有剩舫行稿從弟雋有樸谿剩草梅里詩輯

徐廷棟字枚士雍正己酉拔貢考授教習銓發廣東歷任

縣令補惠來所至愛民勸學治績蔚然著有易義微言

廿一史纂言四六精華諸書

丁錦字觀文孝友力學嘗纂錄諸經疑義及史鑑政治得

失丹黃標注斯夕無閒著有經義日鈔救荒書勤有軒

文鈔以上
新纂

許燦字衡紫諸生少工吟詠專力于古自漢魏六代至唐

嘉興府志

卷五十一 列傳二

五

宋諸家皆能窮源竟委有晦堂詩鈔梅里詩輯同時選

梅里詩者有李稻塍字耕麓詩極流轉有寸碧山堂集

梅會詩選鈕孝思晦堂詩序
參續樵李詩輯

王鴻字澄之篤志好學詩嗜溫李上溯騷選與朱惟鑑

陳其源及從兄湘族弟澄並以詩名有蕉園詩稿樵李詩輯

戴源仁字守純授徒梅里之北從弟源潮授徒里南及門

皆盛里中語曰南北學堂戴氏染坊言及門無白丁也

源仁以歲貢任衢州司訓源潮廩貢生

任繩祖字萬斯由縣丞陞臨川縣以清慎稱歲祲捐俸倡

民輸粟以賑全活者衆能詩尤擅書法行楷皆入妙求

者屨滿戶外著有半椽詩草

曹培亨字汝咸乾隆戊午舉人績學砥行聚書於松風草堂日事鉛槧以著述自娛工詩精篆隸有松風堂集

楊文淳字一齋諸生善吟咏及隸書往來南北所至皆推重之築室曰鶴巢著有涵山堂集二女素中素書並工詩有煮石軒茗香樓詠物詩等集

王燮字禮齋縣學生攻詩古文詞雅慕東坡摹著屐圖寄意弟焯字少愷乾隆丁酉舉人鎮海教諭兄弟並有聲燮有香林詩文稿焯有兩部鼓吹茲器維則白華堂集楊謙字子讓廩生好讀陸清獻張楊園之書居梅會里嘗

嘉興府志

卷五十一

列傳二

吳

注曝書亭集刊既成謂門弟子曰昔放翁謂作詩難注詩尤難吾注朱檢討詩正多遺缺汝曹有志宜搜補之吳文溥號澹川歲貢生性孝友詩格高澹有淵明右丞風足跡半天下名公卿咸折節下交晚客今中丞儀真阮公墓極推重之著有南野堂詩集筆記行世

以上新纂

隱逸

晉

韓績字興齊其先廣陵人避亂居嘉興父建仕吳爲大鴻臚績少好文學以潛退爲操布衣蔬食不交當世士司徒王導辟爲掾不就會稽內史孔愉疏薦詔徵之不起

宋

謝國光字觀夫咸淳間對策春官言時事剴切主司畏賈似道不使登第補太學生入元不仕御史程鉅夫奉詔搜賢或薦國光輒杜門稱疾以經史自娛及卒遺命題其墓曰安節謝國光之墓

以上趙國記

張葆光市居讀易一目睛突出乃用蕉葉熨眼且熨且讀遂超然有得往見黃冕仲冕仲曰如師卦六爻長子帥師弟子與師在師中吉易之理極分曉易讀葆光曰作如此說宜其易也請布算於前敷衍其義冕仲許之乃削簡盈箱布算縱橫所謂八陣圖五花陣諸法無一不出六爻之數冕仲駭服葆光隱居樂道不求聞達世但以葆光稱之

顧謙字自修舉明經三禮二科拜宗城令尋棄官歸隱名流高其才成就見焉

元

姚清讀書通達時務為郡書佐廉平慎飭儕伍憚之以不能矯阿取容攜妻子處濮溪耕田釣水為終焉計暇與田夫野老倡酬嬉遊以自適著有樂章一卷行世

以上嘉興

湯志

項宏度號胥山居士以貲甲里中志行高潔宋末隱居不

仕督教子孫讀書好禮作家規二十條元元貞間卒

參嘉興湯志

吳鎮字仲圭性高介隱居不任工辭翰善畫山水竹石每

題詩其上時號三絕有勢力者求之多不得惟贈貧士

使取值焉作字用畫筆如寫竹狀饒有天趣以愛梅自

稱梅花道人沒時自題其墓曰梅花和尚之塔兄瑱字

元璋常從毘陵柳天驥講天人性命之學以易數推人

休咎多警世有嚴君平之風

吳志參兩浙名賢錄橋李詩繫

明

沈啟隆字昌甫其父居吳興元季棄妻子游五湖啟隆徙

嘉興府志

卷五十一

列傳二

吳

嘉興郡城之東水南有園自號南園居士後徙思賢鄉

豁達好施叔子禮仍處舊廬構草亭夏太常景圖其勝

并顏東郭草堂四字鐫石以傳

劉志

吳萬六思賢鄉人義不仕元隱居博學以名德重于時孫

秉新洪武初以人才徵卒于京元孫宗生宣正間有隱

德陶副憲照銘其墓

嘉興湯志

范昌字延碩建文初由太學生考授文華殿中書進元宵

賦稱旨御書聖主得賢臣頌以賜之告病歸里靖難兵

起遂絕意仕進同里吏部侍郎俞山書忠隱二字貽之

里中稱為忠隱先生著有古檜堂諸集行世

嘉興何志

包馮隱居不仕父鼎爲池州知府欲棄官歸意未決馮奉書無他言惟左太沖招隱詩而已鼎遂歸

袁志

屠孟元字伯玉父應峻自有傳孟元勵志讀書旋棄去角巾短筇日徜徉山水間出入乘小舟一編自適公府慕其高誼有欲見者輒謝之

李衷元字澹然少好學不樂仕進高隱梅溪以吟咏自適游戲蘭竹落楮人爭購之友人以功名勸者笑而不荅著有蘆中吟草

以上嘉興湯志

李含章字貞齋以貢除雲夢教諭遷淮藩司教一日讀五柳先生傳遂拂衣歸卜居胥山築春風草堂隱居以終

嘉興府志

卷五十一

列傳二

吳

捐田爲漏澤園里人誦之

袁志

戴晉字康侯居牆頭村幼孤慕陸羽爲人終身不娶從其叔灑至同里項氏窺天籟閣所藏名蹟遂工畫後寓精巖寺與方外秋潭高士殷方叔高元雅輩交常游金焦北固間所至必圖其景以贈人曾居郡城之東構別業築土爲邱植松其上曰松山又喜鶴洲樹石置小屋於湖濱名蝶華居沒遂葬其間一生高潔不蓄童僕有聞

名訪之者輒閉戶不納

吳志參續徵獻錄

盛龍升字德潛事母以孝聞曾爲郡吏棄去精賞鑑著存古錄劄記凡彝鼎奇物書繪真蹟如周公謹雲煙過眼

錄之例多與賢士大夫游同邑太僕李日華爲作盛草
汀小傳晚築室于城中編籬植杞菊更號杞菊老人

徵獻錄參紫桃軒又綴案省
志採紫桃軒又綴作盛德潛

屠爨字闇伯縣學生少孤善事母中歲棄舉子業隱居教

授尤邃經學詩亦雅正不以風華見長弟子從游者衆

脩脯之入輒以賑宗郤家貧屢空晏如也著有太經堂

集從弟焯字昭仲諸生以能詩通經著有周易大義與

地考子達有誠齋詩存

袁志參王庭屠闇伯行畧

江挺字無上一字爾陶崇禎癸未進士未授官而國亡南

都稱制授工部主事挺知事不可支遂棄去隱居城東

嘉興府志

卷五十一

列傳二

五

不復出書法規摹兩晉名流爭賞晚歲以此自給杜門

四十年

靜志居詩話參
嘉禾徵獻錄

吳志開字丹成諸生甲申後入閩流離困頓數年始歸儻

屢而居屏跡教授故都御史郭都賢雅重之每過從話

舊年八十寄居蕭寺歲饑不得食僵卧卒

嘉禾徵
獻錄

徐白字介白徙居吳江以諸生久次當貢甲申後棄去隱

靈巖山之下沙有園數畝手一鎌種蔬果以給間作畫

亦遠俗詩幽冷刻深不肯襲前人一字曾以太湖落日

賦見賞于陳卧子不出山者三十餘年有竹嘯庵詩鈔

嘉禾徵獻錄參
靜志居詩話

巢鳴盛字端明年二十始就塾不歲餘盡通其義崇禎丙子舉于鄉乙酉渡錢塘江寓蕭寺以觀時事見江東守拒失律遂歸卽墓側構數椽絕迹城市隣里罕見其面築閣可望先壟栽橘百本遠屋種匏制匏尊作五言律以自喻妻錢氏篝燈紡績泊如也持論勉忠孝敦廉恥仿司馬程朱爲家訓著有永思堂集靜志居詩話參嘉志巢鳴盛列人物舊志皆入隱逸今仍其舊傳中附載沈麗日襄日兄弟皆鳴盛弟子又孫鍾瑞少志于學長敦六行著易學心符可人集諸書附見于此

丁元公字原躬性孤潔與俗多齟齬畫兼山水人物老而秀工而不纖能書精繆篆詩有奇氣不屑作庸熟語後

嘉興府志

卷五十一

列傳二

五

髡髮爲僧號願庵其胸中有不可一世者靜志居詩話參畫徵錄

案嘉興何志作詩僧淨涉卽原躬也

繆詩伋字孟思時當多故屏跡不入城市勤學工詩著有

學圃吟稿同時褚醇字澱爲縣學生亦隱居不仕其詩

沈鬱頓挫言不足而意甚長梅里詩輯

藝術

五代

陸冕嘉禾人性疎逸好交尙氣沈涵於酒善畫道像神仙村野人物遇筆揮灑出於臨時器不預構南唐李璟聞冕名欲召之侍者謂冕好縱酒歌舞無人臣禮璟由是

疎遠之五代名畫補遺參書畫譜

宋

唐希雅妙於畫竹作翎毛亦工始學李後主金錯刀書有一筆三過之法雖若甚瘦而風神有餘晚年變而為畫故顛掣三過處書法存焉宣和畫譜

沈珪嘉禾人初因販繒往來黃山有教之為墨者以意用膠一出便有聲稱後又用對膠法墨成堅如玉石墨工名手自潘谷陳贍張谷之後珪與金華潘衡製作精緻不媿古人珪為人信義何遠避地嘉禾與珪連牆而居觀其手製遠自謂已得大概至微妙處雖其子晏亦

嘉興府志

卷五十一

列傳二

三

不能傳也珪年七十餘終晏先珪卒其法遂絕春渚紀聞參墨

莊漫錄

李甲字景元工畫作翎毛生動有奇趣東坡嘗題其畫曰

郭恕先後一人劉志

林鏞字叔大正書宗虞永興而近之嘉興湯志

元

張成楊茂嘉興府西塘楊匯人剔紅最得名其鎗金鎗銀之法凡器用什物先用黑漆為地以針刻畫或山水樹石花竹翎毛亭臺屋宇人物故事一一完整然後用新羅漆若鎗金則調雄黃鎗銀則調鉛粉日曬後角挑挑

嵌所刻縫罅以金薄或銀薄依銀匠所用紙糊籠罩置
金銀薄在內遂旋細切取鋪已施漆上新絲揩拭牢實
但著漆者自然黏住其餘金銀都在絲上於熨斗中燒
灰鍋內鎔鍛渾不走矣

尊生八箋
參輟耕錄

東谷子居春波門用五星躔度遲雷伏逆法推人生年月

日時貴賤禍福毫釐縷析無有不驗

徐一夔
推命解

嚴子成字伯玉其先汴人宋咸淳間始祖名秋蟾者來秀
州賣藥於竹林巷遂家焉元大德間京師開御藥局徵
子成不就時趙文敏邁疾醫不能治子成診之翼日卽
瘳文敏喜爲作杏林圖並繪孫思邈像贈之以子成貌

嘉興府志

卷五十一

列傳二

三

相類也自是稱藥師性好施予筭不畱資年八十九忽
語人曰我將往五岳遊仙府也無疾而逝子孫傳其術

稱世醫

劉志

薛如鑑挾相術遊江湖一時名士多與之交楊廉夫高季

迪皆有詩贈之子月鑑孫鑑能世其術

橋李
詩繫

彭君實工戩金山水人物亭觀花木鳥獸種種臻妙

格古
要論

盛懋字子昭魏塘人父洪甫善畫懋世其業而尤過之山

水人物花鳥種種臻妙始學陳仲美人謂精緻有餘特

過於巧時以吳仲圭墨竹岳彥高草書章文茂筆及懋

山水稱武塘四絕其姪著字叔彰能全譜圖畫洪武中

俱事內府有御製盛叔彰全畫記

趙圖記參書畫譜

張觀字可觀

一作可風

武塘人善畫師夏圭馬遠尤長模倣後

與同邑盛懋丁野夫吳鎮遊筆力益古勁善鑒古器書

畫

嘉興湯志參嘉禾徵獻錄

朱華玉字碧山武塘人與吳鎮盛懋生同時居同里不欲

以畫藝與二人爭勝乃獨製銀器隱於姑蘇皋橋為一

時絕技天歷間始見賞於柯九思虞集揭傒斯各令製

槎杯為壽世所傳至正乙酉壬寅各槎杯是也

輟耕錄參曝書

亭集

明

嘉興府志

卷五十一

列傳二

善

吳宏道森子

見孝義

精醫術每療疾愈則令種竹一竿尋至

鉅萬人稱其地曰竹所洪武初召至京師擢御醫子記

善仕至黃門給事

嘉興湯志

梅玉居爰山精五行之術告人吉凶禍福咸可徵焉實賢

而隱於卜筮者

貝瓊贈星學梅生序

嚴貴和字大用修子成之業洪武中任太醫院官時禾中

大疫貴和白郡守捐資施藥全活甚眾

嚴樂善永樂間人精醫理有弟欲毒兄賂樂善下鳩于藥

者出金飾進之樂善擲金齋之曰我姑不發汝隱汝若

更求他醫以殺同氣我必訟汝于官踰年其人感悟來

謝是夜燈花放光發蓮花一朵結為金人形類菩薩跌坐蓮中長二寸許震澤王太史作燈花記稱為盛德所感善能運氣及子午按摩法年七十五卒殮已五日隣人有遇之於西河者

以上嘉興湯志

陳以誠字處夢工詩畫尤精于醫永樂間為太醫院判累從中使鄭和往西洋諸國臨終作辭世詩有九重每進

千金劑四海曾乘萬里船之句

吳志參畫史會要

嚴萃字蓄之初業儒貢太學為廣陽江令有惠政居官八月歸會覽方書曰此吾祖業可盡忘乎遂精醫理撰藥

性四篇分寒熱溫平之異

案嚴氏自子成後有嚴允芳嚴世美嚴鏌皆明中葉人能

嘉興府志

卷五十一

列傳二

五

世其術茲不備列

張德剛西塘人父成善髹漆剔紅器永樂中日本琉球購得以獻於朝成祖聞而召之時已沒德剛能繼父業至京面試稱旨授營繕所副賜宅復其家時有包亮與德剛爭巧宣德時亦召為營繕所副

以上嘉興湯志

范摹字行式涉獵經史善詩歌多藝能凡金石款識篆刻書畫之類皆能著其時代辨其真贋工畫山水人物意

趣幽遠

劉志參書畫譜

王立本工畫山水人物師盛懋臨摹逼真子繼宗能世其

業

柳志

吳瓘字瑩之多藏法書名畫能作窠石墨梅學楊補之畫

寒雀爪喙生動不下錢玉潭

珊瑚網參
圖繪寶鑑

高松聲字傳谷諸生構水肥齋于西郊焚香賦詩淡如也
書法直入二王臨摹奪真高故王姓有從弟淑民字子
逸筆法子昂與松聲頡頏

駱文衡字季銓筆法宗王與周天球王穉登結社論書著

有字學原委

以上嘉
興湯志

董仲敬善觀天文諳推步之法任欽天監挈壺正

柳志

胡齋初名浚字元海永樂間陶莊人徙居魏塘賣卜于市
受君平術於袁杞山同游金陵提點姚一山奇其術以

嘉興府志

卷五十一

列傳二

美

二人薦杞山稱疾不行齋赴召授欽天監刻漏博士時
上新作殿命之卜齋曰某月某日午時當燬上怒囚之
以待至期倩獄卒覘視返報曰午過矣服毒有頃殿果
焚上急召齋死矣先是召命初下袁為胡卜得乾之五
爻袁曰五為君升陽在四子命又午矣其錫名之慶乎
四為淵而五居淵上淵而大者乎以草莽之臣踐五位
終非吉兆五為火丁者壬之合也遇火則危矣後聞賜
名齋袁曰驗矣死不遠矣果因殿焚而卒子旻昊昱昂

皆精占筮

嘉興
湯志

許敬字孟寅感化鄉人世以醫名治口齒者許為之最宜

德間院使蔣主善薦入內院英宗患喉風更數醫勿效敬進絳雪噲之遂愈拜御醫賜敕獎諭著有經驗方三

卷袁志

及珪字廷肅魏塘人精于醫一婦姪及八月卧不語珪曰此內經所謂瘖也不藥當自愈有男子請診珪曰此疾不至死然脉無生理過三日當投劑期內忽溺死人感異之珪壻袁祥博洽高曠不屑為醫珪以秘經授之祥曰建文御極四年不修實錄忠臣死事泯沒無傳醫經特屑屑耳祥有女遂擇錢萼為壻使授及術而已薄游南都徧尋博採作革除私記四卷建文編年四卷萼精

嘉興府志

卷五十一

列傳二

七

及術輯醫林驗海一編凡四十卷

兩浙名賢錄參嘉興湯志

陶冶字大冶幼孤事母孝能詩尤工畫山水花卉瀟灑脫

俗好畫大士像慈嚴兼具結茆武林靈鷲山自號樵隱

季如泰字大來鹽官人徙居嘉興畫山水人物最工細游

都門畫卷傳入青宮貞皇帝潛龍時一見稱賞諭繪西

湖景及牡丹數種

以上嘉興湯志

談時雍號繼巖世嬰兒術冠一時晨興遠近抱嬰兒就視

者每三五十人酬以金十受二三也子孫世其術復巖

瑞巖宏巖皆有名

續見聞雜記參嘉興何志

希逝道人嘉興僧也深於繕身之術又擇用日辰可代藥

餌嘗過海州司馬韋敷見敷鑷白曰貧道爲公擇日更之越五六日僧請鑷其半及生色若鷲凡三鑷之髻不復變意其術出於遁甲故自稱希遁云

張渙字文甫號雲心畫師趙千里趙松雪種種逼真以上嘉興

湯志

朱俸字廉夫工字學精篆籀古文及漢唐隸法做管夫人

書七十二篆金剛經人珍重之袁志

董常工畫道釋像筆力細而勁拔同時有唐別鳳號岐山

寫照得神擅一時絕技劉志參嘉興湯志

王有禮休寧人爲嘉興諸生本姓沈精軒岐術善治傷寒

嘉興府志

卷五十一

列傳二

五

有尊生內編十卷葉向高序尊生外編八卷岳元聲序

皆行世袁志

徐名世號觀海諸生其先臨清人宋南渡來禾累世以醫

術著尤長兒科里人呼爲徐小兒名世以醫起家遇貧

者更加意療治著述甚富子謙字仲光亦諸生世其術

著有仁端錄專言治痘疹法能補前人所未備嘉禾徵獻錄

常效先號瀛泉少補諸生後棄去攻岐黃家言尤精痘疹

其門如市性簡僻賦詩娛老自號無繫居士著有心鏡

篇衍慶錄袁志

朱寶號肖海工書凡古人法書名畫臨摹逼肖雲間董其

昌亦時為所惑

嘉興湯志參
圖繪寶鑑

王復元字雅賓幼為黃冠得事文徵仲因精鑒古書學米

漫仕畫山水類陳道復寫生類陸平亦能詩有天寒花

信少地僻草痕齊之句

李日華紫
桃軒又綴

吳秋林歙人寓春波里昆季皆好修不以貲著秋林尤高

尚門無雜賓時時襍被就羽人釋子假榻焚香烹茗意

蕭如也書法趙吳興繪事宗周東村而兼擅蘭竹

紫桃
軒又

綴

許紳字大紳其先嘉興人祖昇占籍江寧由名醫入為太

醫院判永樂時扈駕至京遂家焉紳性敏慧究心醫術

嘉興府志

卷五十一

列傳二

堯

嘉靖時屢承召對有奇效遷轉不次至通政司掌本院

事診療皇太子有功時冊立禮成游陞工部尚書卒遣

官諭祭諡曰恭僖嘗輯經驗方又刻鍼灸書并銅人圖

像于公所

嘉興
湯志

駱驥字子龍長水鄉駱家橋人事後母孝工吟咏時與金

豐村燦范菁山言項少嶽元淇游尤究心岐黃之術察

脈檢方俾於神巧自號嬾翁作嬾翁歌兼擅水墨白描

在黃痴倪迂間有言志集行世

嘉興湯志
參袁志

陳遵字汝循嘗寓吳居城西寫花鳥如生賞鑑家不惜重

金購之然非其人勿屑也暇輒鼓琴自娛陶然忘世

嘉興

何志

魯得之字孔孫號千巖錢唐人僑居嘉興善書工墨竹由

仲圭追蹤文湖州李太僕日華最重之晚年右臂不仁

以左手畫風竹尤有致

書畫譜參
杭州府志

沈雪坡林伯英俱魏塘人雪坡善梅竹伯英工花鳥皆師

樓觀趙圖
記

吳愛蕉布衣宏正問人畫法吳仲圭筆意

紫桃軒
雜綴

周續之字臞鶴能琴得徐南山之傳曾將騷選諸什譜入

絲桐聽之音調奇古著有黃鐘律呂音四卷

褚勛字叔銘工書善畫臨摹亂真嘗治畫練極纖細非市

嘉興府志

卷五十一

列傳二

卒

中所有因名褚絹為莫雲卿李繼泉所重王元佐為之

傳

蔣汝成回回種也凡珍玩如古銅古窑古琴之類或有破

損經汝成手即完好如初稱一時絕技

以上嘉
興湯志

洪髹善造漆器精巧絕倫積久不敗名擅一時

袁志

國朝

毛鳳祥字貞所善按脉識病源立起危症尤精傷寒年二

十即知名九十九卒八十年中活人無算

嘉興
何志

李琪枝字雲連諸生太僕日華孫珂雪子畫傳家學尤工

蘭竹竹垞朱檢討題其畫云前身定是梅花衲仍占春

波門外居是也從子含漢字南溟山水濃郁豐潤兼長
花草壯游南北最知名曝書亭集
參畫徵錄

朱賓占字仲立客游江南不歸性恬淡與物無忤工人物
嘗畫凌烟閣功臣圖蕪關權使見之遂攘其名以付雕

畫徵錄

張鳴岐住謝洞內善製銅為爐無不精絕項墨林見而異
之招居城中名大著竹垞朱檢討嘗咏之池北偶談參張輝祖新溪

雜詠小序

黃元吉錫工也所造茶具種種精巧其色與銀無辨海內

咸珍異之嘉興湯志

嘉興府志

卷五十一

列傳二

空

張南垣名漣以字行少學畫得山水趣因以其意壘石成
山有黃大癡梅道人筆意挾術游江南一時名園邱壑
皆出其手董其昌陳繼儒亟稱之吳祭酒偉業為立傳
子然熊及孫淑傳南垣之術康熙間先後應

召供奉

內廷凡經營位置悉令然等董其役屢邀

恩賚及淑沒其術遂不傳吳梅村集參吳志

沈存周字鷺雛嘗從盛處士遠學詩書亦有致其所自見
則在於鍛以錫製壺多雅馴其形以僧伽帽為上次蓮
花次桃核凡雕鏤詩句姓氏圖印即世工書篆者不能

過汪上尊范湖文
鈔沈存周傳

談允明字景巖幼喪父哀毀如成人事母孝二十年如一

日讀書精醫理有起死功著有醫旨心傳吳志

李无垢錢唐人曾為太醫院醫士順治中至梅會里榜其

門曰太醫院李无垢總理內外大小十三科方脈予訪

之方注本草經多發新義予妻馮孺人病熱諸醫皆云

不可治要君診視无垢笑曰君夫人所居閣四面俱木

圍之木生火觸暑脈伏無他恙也亟以甘瓜井水投之

不藥愈既而无垢客死所著書無存朱彝尊李无垢傳

顧銘字仲書能詩善畫瀟灑不羈檢討朱彝尊嘗贈之序

嘉興府志 卷五十一 列傳二 三

康熙辛亥

聖祖仁皇帝召寫

御容

賜金褒榮之時同郡沈行濮璜鮑嘉張琦俱以寫真名吳志參畫徵錄

金陶能琴康熙間直

養心殿授鴻臚寺序班乞養歸康熙丁亥

聖祖仁皇帝五次南巡陶進古琴并太平奏萬國來朝琴譜一

冊

召對良久奏平沙太平等曲

賜金褒美太平奏琴譜

姚節字竹友工詩文爲人脫畧嗜酒醉後畫竹石小品有

逸致醒時不及也圖繪寶鑑續纂

薛珩字楚玉邑庠生隱于醫有醫案諸書刊而未竟橋李詩繫

鮑楷字端人號棠村僑居維揚工花草師法南田山水亦

疎朗秀潤得古人意畫徵續錄

釋永徹字環照俗姓吳幼爲僧于精嚴寺之清隱房遇一

僧秘授金針能開瞽目兼善蘭竹其徒孫聽竹亦工畫

世其術

陳恕字子如精醫術著有幼科述古子斯皇銘常世其業

以上吳志

嘉興府志

卷五十一 列傳二

三

尤錫九字亦夔楷法董華亭山水淡雅復精醫理遠近延

請無虛日製小舟榜之曰吟舫置茗椀書卷嘯咏其中

著有澹軒詩草梅里詩輯

倪鼎字丹成號竹村善人物其鈎染衣摺變化于古猶出

心裁烏程呂學見之推爲近時第一圖繪寶鑑續纂

謝登號南屏有至性父沒于京登年未冠匍匐赴京扶櫬

歸生平精于醫延治者日以百計試之無不驗凡醫所

入輒備藥餌以濟貧病者常集諸家疑似之說及歷試

等症著有醫驗二冊醫宗彙解女科要畧等書

談東巖允明孫世業醫其先有繼巖者以保嬰術稱神手

東巖繼之時以藥濟人不受值子康宇世其傳以上新纂

周笙字古聲精於醫著有靈素寶要六治秘書愛以墨寫

罌粟花不輕畀人梅里詩輯

錢臨字準可國學生因篋棄舉子業終身不娶精醫術專

以濟人為急遠近稱良醫纂有立齋醫案疏續梅里詩輯

馬行素字介如讀書好古精于篆刻陳翼介石印譜序

周嬾予性迂僻善奕推國手著有奕譜行世周篋嬾予傳

薛廷文字魯哉性撲率耽詩苦吟擅繪事尤工荷花鮮妍

得生趣人以薛荷稱之著有聽雪齋詩稿續梅里詩輯

郭鳳號友桐工詩善畫宗郭熙居梅會里茅屋數椽栽桑

嘉興府志 卷五十一 列傳二 畝

種竹日與同里許煥金標楊漢壽相倡和著有茶譜雪

樵詩草衡門等集新纂

流寓

周

范蠡字少伯楚人常寓樵李侗儻有深謀越王句踐用其

計遂報彊吳觀兵中國號稱五霸范蠡既雪會稽之恥

以大名不可久居乃乘扁舟浮於江湖變易名姓適齊

為鷗夷子皮之陶為朱公今城南范蠡湖其所游息處

也史記貨殖傳參袁志嘉興湯志

案少伯寓禾越絕書史記未有明文第古蹟流傳名湖名宅名橋名鷗載在圖經往往而有幽湖有范蠡泛舟

處相傳扁舟浮海始於此舊志列流寓今仍之

唐

裴休字公美濟源人擢進士第舉賢良方正異等歷監察御史兵部侍郎領諸道鹽鐵轉運使進同中書門下平章事休為人醞藉進止雍閒宣宗嘗曰休真儒者然嗜浮屠居常不御酒日習歌唄以為樂當世嘲薄之

唐書本傳

參吳志

宋

錢顛字安道無錫人以金部員外為殿中侍御史王安石行新法顛極論其弊貶監衢州稅徙秀州遂卜居焉家

嘉興府志

卷五十一

列傳二

奎

貧母老句貧親舊以給怡然無謫官也蘇軾遺以詩有

烏府先生鐵作肝之句

宋史本傳參至元志

毛滂字澤民江山人政和間守是邦因家焉先是東坡守

杭滂為法曹坡宴客有妓歌惜分飛詞坡問誰作妓以

毛法曹對東坡語坐客曰郡寮有詞人不及知某之罪

也滂因此得名著有東堂集

至元志

李會伯字長儒覃懷人丞相邦彥之孫徙居嘉興第進士

持繡斧督餉運兩分漕節七開大閘宦轍幾徧天下旋

起旋罷官至觀文殿學士卒贈少保會伯初與賈似道

俱為閩帥邊境之事知無不言似道嫉之不竟其用著

有可齋類彙

宋史本傳
參至元志

朱敦儒字希真洛陽人以詞章擅名能書兼繪事三召皆固辭後復以薦起賜進士出身為祕書省正字遷浙東提刑罷歸僑居嘉禾構讀書堂于南湖濱陸放翁嘗詣之聞笛聲自煙波間出行者曰此朱先生吹笛聲也

宋史

本傳參宋

詩紀事

葉時字秀發杭州人登進士甲科歷事四朝累官至龍圖閣學士明性命道德之學尤邃周禮晚居嘉興著禮經會元及竹垞詩集卒諡文康

柳志

方誼字賓王桐廬人乾道四年侍父務德侍郎徙居郡城

嘉興府志

卷五十一

列傳二

奎

為朱文公門人文公集中多相與問答語家有希賢齋

扁亦文公書

至元志

姜處恭字安禮長山人遷居嘉興九歲而孤大母父母皆散死他州不能葬乃營衣食治墳墓收拾諸櫬得聚葬既而買田治屋厠卹窮乏雖不以科目自達而微渡江凋落之後奮寒士單薄之習教二子輝郜皆成進士

葉適

姜處恭墓誌

洪芹适之曾孫以祖蔭入官登進士第歷官將作少監屬詞臣無當上意丞相程元鳳言當今地望無踰洪芹者進兼翰林直祕書少監權禮部侍郎中書舍人兵興詔

書所至聞者奮激葢芹所草也遷禮部侍郎帝銳意嚮用竟以論罷寓居嘉興怡然自適咸淳初起知寧國府

分省人物考

王明清字仲言汝陰人甫十歲朱希真徐敦立過其父所

詢以國史中事應之無遺慶元間居甥館于嘉禾官至

朝散郎與父雪溪兄仲信俱有史才嘗剴切上封事是

時南渡以來老成凋謝明清哀集軼事編為揮塵錄及

投轄錄清林詩話玉照新志至元志參 樵李詩繫

李鳴復字成叔瀘州人嘉定二年進士寓居嘉興理宗朝

參知政事後為福建安撫使子祠卒於嘉興子公夬公

嘉興府志

卷五十一

列傳二

李

晉皆典郡宋史本傳 參柳志

趙孟僴字月麓宋宗室其先家黃巖文天祥見之曰瑚璉

器也後天祥開闢江東浙西俱辟以行及召赴闕孟僴

畱吳僅五十日宋亡元兵執孟僴欲官之固辭以疾遂

去依親友以居絕口不談宋事號三教遺逸居嘉禾天

祥卒為文祭之臨終口占曰王室之懿文山之客持此

寸心千古忠赤所著詩文名湖山汗漫集趙圖記參 樵李詩繫

殷澄字公源華亭人家富好施人目為殷佛子元兵壓境

澄保聚未下元將楊埽地命屠其境澄叩軍門曰民猶

水也水順則流逆則激今將軍不廣好生之德顧欲盡

勦斯民乎楊怒欲斬之澄厲聲曰殺一人活千萬人死安足惜楊感悟一境獲全丞相伯顏聞而義之授澄軍民都總管澄日大宋之亡吾以親故不與俱亡乃獨不能逸乎遂去放浪九峯三泖間號泖南浪翁與陶菊隱

趙孟頫稱秀州三義趙圖記參吳志

黃正孫字長孺慈谿人宋宗正少卿震之孫宋亡絕意仕

進魏塘義士吳森聞其名迎致之遂徙居焉正孫履行

端粹為學者領袖晚自號尚絅翁子玠另傳黃潛黃君墓誌參趙

圖記

元

嘉興府志

卷五十一 列傳二

奕

顧阿瑛名德輝字仲瑛崑山人幼警敏善記誦喜購古書名畫鑒賞無虛日元季舉茂才辟會稽教諭不就張士誠入吳遂遁跡嘉興之合溪營別業居之漁釣五湖三泖間自稱金粟道人所著詩日玉山璞稿在合溪有暮

雲集諸書殷奎墓志參橋李詩繫

明

陳世昌字彥博錢塘人力學工文不慕祿仕至正間由布衣徵授翰林編修奉敕代祀海上值道梗遂留嘉興作南湖賦傳誦於時授徒養母張士誠據平江屢致不屈洪武初徵修禮書授太常博士尋以母老辭歸卒著有

希言集

劉志參構李詩繫俱作希賢構李詩繫注云作希賢誤今改正

案世昌所著希言集各志

沈鉉字鼎臣錢塘人元末道梗與同邑陳世昌俱留於禾

鉉博學邃於春秋洪武初知石首縣

構李詩繫

案鉉與陳世昌傳天啟嘉興縣志康熙袁志俱云洪武初召修禮書以母老辭歸鉉著希賢集世昌著希言集攷構李詩繫及嘉禾徵獻錄鉉並未徵修禮書亦未載有專集兩志之誤或以同作寓公彼此舛錯致傳語亦

相彷彿耳

牛諒字士良東平州人元末寓嘉興與鮑恂張翼諸人善

自顏其堂曰尚友明初應詔除翰林院典簿同學士張

以寧使安南御製歌詩賜之歷陞禮部尚書著述甚富

靜志居詩話

嘉興府志

卷五十一

列傳二

堯

徐一夔字大章天台人博學善屬文危素薦為建寧路教

授元末自天台避兵徙嘉興寓居白苧里有屋三四楹

牖外有一大柞因作獨柞軒記以見志與義烏王禕善

洪武二年詔纂修禮書一夔與焉明年書成將續修元

史禕方為總裁官以一夔薦一夔遺書不至未幾用薦

署杭州教授召修大明日歷書成將授翰林院官以足

疾辭賜文綺遣還著有始豐稿行世

明史本傳參曝書亭集

高翼

一作遜

志字士敏元末僑居禾郡為文深醇典茂成一

家言以薦為鄞山書院山長洪武二年徵修元史為翰

林編修累遷侍讀學士未幾引退又召為吏部侍郎以

事去官謫居胸山建文間召爲太常少卿壬午靖難兵渡江吳志遜去入永嘉雁宕山其門人文淵閣侍書蔣兢亦潛踪于此吳志病卒兢經紀其喪葬芙蓉峯北後謚文忠著有齋庵集

趙圖記參靜志居詩話

蔣兢字惟敬宜興人寓嘉興建文時詔舉人才考授文淵閣侍書授密旨從黃子澄走姑蘇至楊任所子澄遣兢往寧波會合知府王漣發兵守錢塘逾海抵閩粵未至成祖正位子澄與任被誅兢亡匿山澤稱東海波臣游楚蜀二十餘年歸著有瑣尾日記友陶軒稿

樵李詩繫

高岳字彥高本畏吾氏高昌裔也博洽有才華儀容秀整

嘉興府志

卷五十一

列傳二

卅

人望而敬之工草書丹藥卜筮之術咸究識之洪武間

薦知雲陽縣免官家郡城又嘗寓魏塘云

趙圖記案趙圖記劉志

俱作高岳袁志吳志誤作邱高今改正

邱民字克莊揚州人州被兵攜妻子奔浙西僑居郡中入

郡庠訓生徒自給至正壬寅用流寓籍以毛詩就試與

選洪武初爲松江學官歷至禮部侍郎

樵李詩繫

孫作字大雅以字行江陰人至正未挈家避兵於吳張士

誠聞而廩祿之謝去後爲嘉興府學教授遂寓居南湖

洪武六年召修日歷書成授翰林編修以老病乞外除

太平府教授八年選天下學官內任作與焉廷對第一

授國子助教歷司業為文醇正謹嚴勿尚異同著書十二篇號東家子有滄螺集十卷

曝書亭集參
樵李詩繫

孟觀亞聖五十四代孫祖忠厚扈宋南渡封信安郡王賜

第姑蘇子孫遂為吳人明初觀應人才詔授永寧知縣

有治行陞吳府審理副避兵寓嘉興之清風涇

浙江通志

桑慎字仲修世居常州遷嘉興性孝友苦行力學洪武初

為監察御史見事廷諍朋友有過輒面折之以行部海

南奏誅衛使張榮坐不避入議罪謫瓊州已而召還

兩浙

名賢錄

唐肅字處敬山陰人至正十九年舉于鄉為嘉興學正遂

嘉興府志

卷五十一

列傳二

十一

家焉明初以薦擢為編修罷歸肅文章稱大家與上虞

謝肅齊名時號二肅著有丹厓集

曝書亭集參樵李詩
繫案肅輓郭秉心

詩有吾昔居秀州友有徐一夔句又高
啟有送唐博士移居樵李詩故增入

吳阿真字無櫻台州諸生方孝孺之甥孝孺赤族株及姻

戚阿真避難卜居樵李之梅溪師模道範咸謂得正學

一脈娶婦生二子永樂九年御史陳瑛密奏逋臣結死

黨下令捕之真被逮託次子于外家挈長子往戍開平

嘉興
湯志

戴瓊字子玉休寧人嘉靖間以博士弟子入太學試禮部

儒士第一時分宜竊柄引疾南還與禾中項承芳李衷

毅衷純輩訂交購宅梅會里顏曰百順堂肆情詩酒泊
如也卒于梅里子孫遂占籍焉著有燕臺草

休寧縣志

沈應禎其先常熟人以武功封家于春波里為諸生日往
來煙水間觴咏松下稱隱松子文悌神宗朝以孝謹聞

袁志

吳懷賢休寧人僑居嘉興以中書舍人辦事誥敕房楊漣
奏劾魏忠賢二十四大罪懷賢擊節稱快加圈評旁注
工部員外吳昌期督理惠王府第糾劾侈冒忤璫撤回
懷賢遺書稱之有事極必反之語其僕得罪於懷賢竊
其所評楊疏及遺昌期劄密首厥衛忠賢怒令校尉縛

嘉興府志

卷五十一 列傳二

三

懷賢及其妻邱氏子道昇送鎮撫司懷賢斃杖下昌期

坐削奪崇禎初道昇上書訟寃贈工部主事

嘉興湯志

汪珂玉字玉水徽州人僑居嘉興崇禎中官山東鹽運使

判官畱心著述輯珊瑚網鴛水月社篇等書

靜志居詩話

朱一是字近修海寧人徙居梅里崇禎壬午舉人早年名

重復社入都欲上書言事遭亂絕意仕進披繙授徒詩

文膾炙人口與同里屠爨范路稱三友著有為可堂集

子願為字求侯放情詩酒有紫薇軒存草

嘉興何志參曝書亭集

范路字遵甫蘭谿布衣流寓嘉興潛心性命之學博通今

古晚開靈蘭館賣藥長水市乍愚乍智人莫測其所詣

門人私謚貞簡先生有靈蘭館集靜志居詩話

周宗彝字五重本海寧人居硤石山幼有至性嘗從倪元璐游崇禎己卯中順天鄉試不第歸時盜賊充斥捐資設關廂水柵為一鄉保禦甲申自盡死妻卜氏抱三歲子與妾俱躍池中弟啟琦等闔門死者四十八人弟瑋光尙死守硤石破被數創死

邱岳字梁父徽州人諸生崇禎末流寓嘉興素任俠與刑部譚貞良善貞良入閩偕之行見事不可為棄走山中至潮州死以上嘉禾徵獻錄

錢敬忠字孝直鄞縣人自寧國守罷歸寓居嘉興歿後殯

嘉興府志 卷五十一 列傳二 三

于硤石之審山查職方繼佐嘗為之銘後歸葬于鄞初敬忠于萬歷四十七年會試中式以父若賡前為臨江知府得罪論死繫江西獄三十七年乃不奉廷對跪闕下三疏訟父冤若賡始得釋敬忠旋成進士以刑部郎出守事具全祖望所為玉塵錢公神道表新纂

胡山字天岫宜興縣學生僑居梅里先世蘭谿人父沆有才畧嘗容項城以奇計破流賊有全城功山負才兀傲著書賣藥舌耕以養母詩格超邁俯視一切著有葑汀

寓廬東武諸稿明詩綜參梅里詩輯

朱昇字子旦海寧人徙居梅里順治己亥進士除東昌府推官時有于七之獄案連數郡累歲不決昇悉心研鞫矜釋甚衆改峩眉令務去煩苛與民休息旋引疾歸著有蜀中草

梅里詩輯

蔣平階初名夔階字斧山華亭人爲嘉善諸生游陳子龍之門後避地居嘉興久之徙越中卒詩宗盛唐常與同郡計子山陽羨陳其年蕭山毛大可錢塘丁澎互相酬

倡樵李詩繫

陳繼新字澹持錢唐人諸生少客維揚慷慨任俠嘗從史閣部軍南都陷避地禾中時項子毗被禍論死陳匿其

嘉興府志

卷五十一

列傳二

七

幼子爲己子攜之遊京師隱於醫久之事定仍歸寓禾三十餘年後項子天朱竹垞檢討有詩贈之云誰肯艱難全李燮未容名姓亂韓康一日有所感憤買小舟至郡西龍淵寺自沈於河年已七十矣

椽村筆記

戴爲轂字季環休寧人因贅禾中吳氏遂寓居焉性孝友念父母不逮養終身不茹葷祖墓在新安地卑溼隆冬却絮不御日先人體魄未安敢戀輕煖乎後遷葬烏程羅山借叔兄爲秩至菱湖舟覆漁者援之爲轂呼曰吾兄未有後亟援之漁者如言拯爲秩爲轂漂淺渚竟得

兩全

湖州府志

蔡耀字遠士德清人移居嘉興之梅里國學生天資穎悟讀書觀大意詩歌書法皆有名性疎懶時同里朱願爲以狂自喜人稱狂朱懶蔡著有山草堂詩集

浦越喬字副工國子監生寧波人移居梅里經學湛深尤精史傳刊古文曰聊宣橐具見根柢生平南游滇黔北歷燕代所爲詩得江山之助著有嗽發稿

許箕字巢友海寧人移居梅里品行孤高不求聞達行楷書瘦硬通神人以卷冊乞書者多寫已詩應之曹侍郎溶稱其詩格清邁書法秀拔論其人品直比之嵇阮云

著有捫膝軒詩草

以上梅里詩輯

嘉興府志

卷五十一

列傳二

七

徐斐然字鳳輝歸安縣學生僑居梅里多聚

本朝人古文見卽手抄年及八十兀兀鈔訂不輟其言曰傳青主雅不喜歐公以後之文曰是所謂江南之文也黃梨洲論文以爲唐以前句短唐以後句長唐以前字華唐以後字質唐以前如高山深谷唐以後如平原曠野故自唐以後爲一大變而文之美惡不與焉然予觀自宋以後有學爲唐以前之文者率禿吃不可讀故知江南之文其足爲今之圭臬也審矣著有敬齋存稿及二

十四家文選今文偶見諸書

新纂

嘉興府志卷五十一

